

分疆錄

溫州府圖書館藏

(泰順)分疆錄十二卷首一卷

共 6 册 存 6 册 排架号 05110

分

疆

錄

浙甌梅師古齋鐫

分錄

光緒戊寅影  
望山堂臧板

序

吾溫郡志及各邑志惟樂清簡潔有體餘皆陋畧訛謬  
百出固由兵燹迭經文殘獻闕亦主斯事者大抵奉檄  
趣辦纂修採訪鮮得其人而又急於成書鹵莽滅裂而  
不之顧此則官書之通病也泰順志修於雍正時荒穢  
尤甚余老友林太冲廣文屢爲余道之後聞其有分疆  
錄之作未脫稿而老病相尋遽歸道山矣蓋泰順設縣  
始於明景泰三年分我邑之義翔鄉平陽之歸仁鄉合  
而爲縣舊志區畫不明彼此牽混至斯錄所稱鄉賢祀  
典之謬某大令借大工採木之名營私漁利而又欺飾

盜名自書勞績於冊使非有遺老流傳私家紀載其孰  
從而知之更數百年清議久而愈湮不幾以佞爲賢以  
貪墨爲循良三代直道不從此盡泯哉觀斯二者則舊  
志之不足信者多矣廣文生於其鄉篤學博覽自少壯  
時得見雍乾間老成碩彥多識故實而其好善不倦疾  
惡如讐本於天性因而發憤爲此宜也況志之失修又  
百四五十年於茲其間政刑之因革風俗之變遷衣冠  
言行山林譔述歲有增積卽先代遺書殘刻久而後出  
者間亦有之失此不圖後益難考亨甫名父子旁蒐博  
證續成斯編誠繼志述事之大者也刻旣成郵寄余兄

弟於金陵徵序余兄以文書勞午不暇爲轉以命余遂  
爲書數言於簡端歸之時光緒五年三月止叟孫鏘鳴  
書於鍾山講院

述

敘

羅陽林太沖先生古之振奇人也於學無所不窺尤究  
心當世之務嘗出佐粵西學使者幕會時事變起省垣  
被圍當道者以守城功登荐牘銓補澱溪司訓適寇擾  
浙東率諸生守禦其歸田也寇氛逼近鄉關先生年已  
老命其子用霖督團扼隘堵截先後指授方畧境賴以  
安見所著望山堂詩鈔中皆實錄也生平著作甚夥尤  
要者爲分置錄一書泰邑自前明景泰間割瑞平二邑  
之遠鄉設縣其華離之地志乘不詳遂致界址混淆人  
物舛互先生憂之竭十數年心力條分縷析如指上羅

紋可謂勤矣又以舊志主脩非人紀載失實恐年代久遠將有以非爲是以不肖爲賢者關係世道人心匪淺故發憤爲此排陷而廓清之使後之脩志者有所據依嗚呼以先生而入史館其是非當不謬於聖人能爲一代信史無疑也惜乎懷才不遇僅以區區一邑掌故之書表見於世不亦重可慨哉嗣君能讀父書踵成之以承先志此不朽事也先生可無憾矣余故樂爲序之以誌後之讀是書者

光緒五年己卯秋七月知温州府事枝江張盛藻序

分疆錄總目

卷首

原始

總圖

卷一

輿地上

星野

疆域

山川

卷二

輿地下

山川

古蹟

冢墓

風俗

物產

卷三

建置

地池

附街市

公署

學校

倉儲

水利

附井泉

津梁

關隘附亭

營汎附塘

壇廟附寺

卷四 職官

縣職

學職

佐職

武職

名宦列傳

卷五 選舉上

進士

舉人

諸科

卷六 選舉下

貢士

武科

軍功

賞叙

封典

恩蔭

吏員

附儒官 農官

卷七 人物上

儒林

忠烈

名臣

宦業

風節

孝友

卷八 人物中

義行

文苑

鄉逸

寓賢

方技

人瑞

卷九 人物下

列女

孝婦 賢母

烈婦 壽母

貞節

卷十 雜誌

經籍

金石

軼事

時變補遺

祥瑞

災異

卷十一藝文上

賦

序

記

議

說

銘

傳

碑文

卷十二藝文下

書

詩

分疆錄凡例

一 斯錄之作不得已也曷為不得已以志書失修恐愈久而文獻益亡也志曷為久不修前志誤之也前志主者非人數月之間倉猝而成採訪既多疎漏筆墨尤為庸俗鄙陋穢不堪卒讀當時識者既隱忍不敢言後之有心者雖欲改而難舉故至百四十餘年迄不能修在乾嘉之盛且然自茲以往恐愈難矣以此不揣固陋勉為實錄冀他日修志以此為老馬之導知我罪我在後之有識者

一 凡志書類有圖繪茲不及備僅將用霖杜繪開方



一圖並圖說附綴於卷

一分疆首重輿地邑雖偏在郡西星野纏度僅差分數茲遵郡邑各志畧加攷證分古測今測著於圖

一疆土以山川定界舊志列山川錯雜無紀且有山在秦韓府志仍誤載於瑞平茲錄並加訂正以歸於寶川流則就入瑞入閩二派溯源別流詳爲分晰古蹟冢墓列後凡有題詠各附本題之下

一邑地舊在平陽歸仁鄉者三都在瑞安義翔鄉者五都設縣後雖仍作八都其間犬牙交錯不無互易處茲錄分列四隅十三圖所屬村庄各庄之下

分別註明某地舊屬義翔鄉第幾都某地舊屬歸仁鄉第幾都而各地仍依舊名具見古今地名辨一邑在閩語之交風俗不無龐襍然倫紀典常尙有足述舊志失之太畧茲分別而詳晰之以見風土與世道人心相維係其間興降之故可默會焉物產卽附其後

一建置自設縣至今遞有興廢舊志已載者仍之有附會者闕之其在近時踵增者備書於卷他日修志可與舊志互參倘有缺畧仍可補入若附載諸款各以類從有題詠亦附焉以便緝閱

一賦役舊志已經詳載以後或增或裁具有全書且則例綦嚴恐有差誤不敢妄綴他日修志考之官書可也

一官師爲一邑之長自宜詳載奈自雍正六年以後惟歷任學師尙有題名可稽若縣職佐職營弁歷任姓名已難確紀今祇就故老流傳及他所紀載與身所及見者不分實任署缺彙列於卷其前後序次亦難盡悉尤恐尙多遺佚他日修志宜於六房檔案求之或能詳審至於名宦舊志有傳者因之以後確有惠政及民遺愛足述者凡十四人皆

平日聞之前輩老成及近今羣所感頌者因爲之傳備綴於卷

一選舉爲文物出身之始紀載自宜詳明舊志類多舛漏茲經旁參互證詳加攷核謬者正之遺者補之科目仍照朝制分列其所產之地歷官之次及有見於他書者並於名下著明若有刊誤卽附其後而軍功賞叙封蔭亦彙存焉

一人物爲間出之英典型所屬不可泯沒亦不宜濫列必其德業行誼確有可述而品第亦各有不同自宜分別紀錄舊志旣多混列且有冒濫而當入

者反多遺漏茲就宋明以還先正中審其品誼旁  
徵博引參互考證或仍或補各以類從入祀鄉賢  
者卽附詳於本傳至乾嘉以來諸人多平日聞之  
先輩月旦父老口碑及通儒傳贊所述善蹟有徵  
乃爲登載不敢稍存已見識者當自知之

一閩賢節烈吾邑頗多茲有補入宋明時人皆採之  
各族世傳確有實行可徵其舊志所載亦有官司  
給扁無建坊者仍舊錄之其在晚近不論已旌未  
旌亦並收入若賢母而有實行可徵者亦並錄以  
爲女士式但山陬僻壤誌未及徧倘有遺漏修志  
時尙望細訪以補不逮

一舊志選舉人物各卷如董甲溪鄭立七之類舍其  
名而書字及行第者頗多茲悉改正他日修志幸  
勿再誤

一志錄例有祿志一門亦人事得失之徵舊志載時  
變脫畧失實茲經博採旁證且加詳焉惟祥異久  
遠難得其實姑就見聞所及錄之若遺聞有足述  
者別爲軼事附於卷中

一經籍爲著作之林吾邑僻在深山頻遭兵燹昔賢  
專家之書久已失傳間有一二存者或在外省及

四庫所藏明以後惟夏大輝漁樵詩說見存稿本  
足稱淵雅其餘類多韻語精純者尠姑照府志例  
列目以存其畧而家集亦僭附焉

金石文字  
即附其後

一藝文在宋元明初既不多觀設縣後足採者亦尠  
舊志所收尤多俚俗茲就平日所見採之除附錄  
於山川古蹟外其餘另爲彙編若舊志中有關建  
置文雖早弱亦並錄以存舊蹟附會者概不混入  
一茲錄各卷有承舊志而刊誤者有舊志失載而增  
補者皆係遍尋昔賢文集以及石刻參之遠近志  
書務得其實卽採之族譜記傳亦必係古本審其

文理雅俗確係古人手筆官制事蹟與時代畧無  
舛繆或別有互見參核無訛始爲採入頗費苦心  
誠知訪古視訪今爲倍難也他日修志具有真識  
而懷實心者再加詳訪補缺訂譌則尤區區所私  
祝也

右十五則 先徵君分疆錄之大凡也 先君自  
少獲見雍乾時鄉老成碩彥多聞故實平日讀書  
閱歷亦復留意遺聞常念志乘訛繆失於釐正而  
者舊日就彫零恐文獻久益無徵不得已而纂斯  
錄爲將來修志標準始於庚申之夏時就養溫麻

因偶論吏治為不肖言邑 大令李公汝麟陳公

先登之良乃首書二公政績遞及以後諸公治行

之足述者為名宦卷繼遂舉乾嘉以還鄉哲行誼

較著者分別錄之歸里門乃取平昔劄記輯宋明

國初諸先賢列女補成人物卷又攷郡邑各志核之

羣籍輯輿地建置職官選舉各卷乙丑掌教中山

文課之暇乃為原始一篇冠於卷首復錄雜記於

卷後稿雖草創然需補訪者若輿地則山川古蹟

冢墓建置則水利津梁選舉則貢士贊叙封典人

物則鄉逸人瑞列女雜記則軼事祥異也至於藝

文固未及彙祇就舊志原本審當存者於本題下

注一錄字他有所採則別紙列其目以待鈔焉自

謂天假之年書必可成矣自是比歲多疾然猶時

有筆削甲戌遽爾棄養病中猶時以補採為屬不

肖日侍左右固未遑也迨乙亥小祥後聞將修府

志而廣文戴師復以東甌金石志命為採訪因親

歷各鄉徧訪二閱月後復加細採得足補前各卷

之闕者備錄而續之並藝文成十二卷中間體例

一遵 先君舊稿惟編次人物上卷僭分風節一

分疆錄  
卷之首  
悉體 先君志不敢稍有違悖以干冥譴也書成  
有日爰書緣起以誌 先君之苦心云光緒戊寅  
上元用霖謹識

分疆錄卷首

邑人林

鶚纂輯

男

用霖續編

原始

同里董憲曾參校

分疆錄何爲泰順設縣著也縣設自前明景泰實分瑞  
安平陽遠鄉合而有縣其初定界立治官書寥寥數語  
而已初未有志錄則分猶未分也聞嘉靖有志未見其  
書鄉前輩董霞樵先生云明萬厯間邑令王克家始有  
修志之舉永嘉侯方伯二谷一元兄弟總其事序中謂  
泰順故有志其文蕪瑣今則并蕪瑣者而亡之矣萬厯  
去景泰已遠文獻無徵特借題著書文理甚優事實疏

簡欷板久失崇禎六年邑令涂鼎彙曾一修之而今並  
無是書想因頻遭兵燹故無存者至雍正巳酉去萬厯  
又百餘年文獻益亡矣而縣令朱國源爲之志益簡且  
陋或曰朱實卽崇禎舊稿而增改之然不可考證今書  
雖存識者以爲有志如無志也後乾隆間某令與城衿  
繆某設局修志廣斂八都金錢以三百金與幕友之執  
筆者餘悉糜散吞沒而書不成乾嘉之交城中人才輩  
出曾復齋師家居十年品學兼優羣以此事屬望而令  
非其人僉謀難協迨人才凋謝時事日非更無倡議者  
矣昔南宋之盛也瑞平科甲興起山鄉無地無之家有

善譜宜邑有詳志無如屢經兵燹世家式微文獻易亡  
自分縣後復閱前明十世 本朝七葉之久乃僅存此  
簡陋無徵之雍正志自茲以往世變且未可知縱有鴻  
儒志士惡能憑空結撰而爲之志哉余年七十有三矣  
歸田無事不搗鄙陋姑就府志及瑞平志中山川人物  
古蹟之在今泰順所分地者足之以耳目所及故老所  
傳彙爲之書以爲它日縣志嚆矢厯敘吾鄉缺志之故  
先以自余不得已之苦衷也部民僭妄之咎庶有能諒  
而恕之者歟同治四年七月之望林鶚書於中山書院  
之大雅堂

泰順所分地瑞安之義翔鄉平陽之歸仁鄉也實則皆山谷而已其山自括蒼分支入境蔓衍廣袤南北百二十里強東西倍之左隸瑞安界青田景甯右隸平陽界福建之霞浦福鼎福安壽甯唐以前僻在荒服中多老林供郡國材用而已實閩括間甌脫也至唐始有山民燒畝闢壤漸興賦役及唐末之亂賦煩役重民不堪命流亡入山者愈多則百落千村皆武陵之桃源矣時藩鎮從衡強辟朝官爲佐於是閩越有志之士挈家入山請於刺史烈山導泉墾田均賦定界立戶始有義翔鄉五都十二里歸仁鄉三都六

里之目

義翔鄉五十六五十七五十八五十九六十三共五都 歸仁鄉三十八三十九四十三共三

都前後入山著籍者凡十八大姓

義翔鄉如莒岡夏庫村吳包阮包陽

包箬陽毛池村池大住左窟方羅峯董及宋南陽江  
山居木杓徐葛陽陶歸仁鄉如夾嶼大安龜巖張篠  
村四溪林陳陽陳夾嶼章峯蔡東  
溪曾葉嶼陽葉周邊周皆是也 開山立業至今八

九百年子孫尙多聚族而居自宋以後生齒日繁文物漸盛科甲肇興人才輩出至南渡之盛山中上著遂多爲瑞平世家巨族矣而後人修志書採訪者據實呈局往往泥舊志駁歸瑞平二邑似分地不得分人者泥建置之名遂沒其生長之實是謂魯鄒有孔孟不得爲曲阜嶧縣人也不已迂乎惜宋末地多穢



腥世家星散元末復遭寇擾文物愈衰遺黎流徙圖籍散亡墟里荒涼習俗樸陋迨明祖掃穢定鼎斯民僅安耕鑿寂無顯者賴故家讀書知義蔚爲涓風自分縣後培養蕃息科甲雖稀庠序頗稱得人士習民風猶爲近古云

瑞平之分爲泰順也事在前明景泰三年而所以分治之故不自景泰始也明初開礦各省民多苦之閩浙山水氣衰礦苗尤薄銀課不敷則均派民田計畝科納而民益病及言者諫止封禁奸民聚而不散遂多私商爭相仇殺官禁不行弊益不可勝言其時銀

礦之在閩界者曰馬尾曰馬頭曰黃社在平陽歸仁鄉者曰龜伏曰石門下曰淨水曰焦溪諸礦雖封禁處州礦徒仍復私開官兵至則潛藏去則復聚適朝廷有土木之變民心思亂福建沙寇鄧茂七流入甌括竄據官山焚掠近山諸邑羅陽尤受其害時閩有某千戶搜礦礦徒拒捕戕官遂退聚羅陽陽言回括率衆至平陽借糧官兵圍捕遂蟠據羅陽自白溪至交陽口稱十八社溫郡調官兵入山勦之諸社設伏交陽口山兵入遇伏盡殲無一還者景泰元年布政使孫公原貞始調大兵按察使軒公觀駐莒岡先

經羅陽義民董永達董永遠舊志有董承遠另是一人在孫公處  
控告處士林國復詣轅獻策乃檄羅陽潘尹序華峰  
張元高陽劉承鐸等協力撫諭礦徒以攻沙寇入山  
擣巢官兵繼之一鼓殲旃餘寇悉平孫公以二鄉地  
廣民稀嶺峻林密慮終為盜區乃於景泰三年奏准  
分疆設縣立治羅陽至嘉靖始為之城此泰順有縣  
之緣起也

# 地輿全圖



附圖說

崇山峻嶺幽谷清谿僻在甌郡西南界連久縣四面  
 邊域萃峰環繞特為聳拔道路亦多險阻界以內諸  
 山稍低鄉村星布其中處處山重水複民多聚族而  
 居雖土田少而民貧然風俗素號敦樸二百年未遭  
 兵燹前代寇警多由閩括而劫頗重皆係革除之際  
 人心不固也近來風氣漸薄人心不古兩經粵寇近  
 隣會匪獨免於亂蓋由天幸然則山谿之險可恃在  
 此而可慮亦正在於此歟茲因家居之暇爰仿開方  
 繪為此圖以備不虞之用圖每方以三十里為準各  
 鄉村按道用綵點界內各鄉亦如之其餘要道用黃  
 餘間道用綠點界內各鄉亦如之其餘要道用黃點其  
 夷不同所重尤在邊疆宜加詳說邑城偏在正西離  
 城十里黃楊隘界內自下而上詳說邑城偏在正西離  
 里為壽甯之雙岡嶺有險可據故咸豐八年西南有  
 警會進堵於此其南郊之雙港渡及東溪頭尤為要  
 道亦不甚險須悉二十里至壽之庫坑嶺始為扼要  
 八年亦會堵此西北上標一路界外山皆自上臨下  
 荒僻為多惟龍巖嶺風門切最為險要故八年雪景

之警俱扼重二處又北面石佛嶺間道自上臨下嶺  
 外則為景甯地却有險可守而離界甚遠有警亦當  
 與彼連絡也蚊壘隘當道處雖險然左右山向有  
 可進處臨事時所宜留意蘆西隘不甚險界內外皆  
 羊腸鳥道可設伏亦易守青田一面石柱寨及峨  
 嶺二處最險其餘陳洋山頭黃壇坑一面帶山勢從黃  
 壇趨下處最險可通最不易守同治二年青田不守賊  
 至近界故蟾宮步南向一帶居民皆預備退過大溪  
 南岸與二三鄉團協守石樓梯馬跡嶺曉峴石柱  
 嶺南向百步嶺則最扼要稽洋龍關朱坑頭三十六  
 排四處皆險平陽一面三洋分水排及柯嶺最險石  
 湖洋及分水關山徑叢雜必於內地如玉塔峰門各  
 處節節布置乃為完密福鼎一於內塔石嶺下阻深溪  
 亦最險排嶺則不費力前明林田公禦倭寇僅守界上遂  
 芟陽嶺則不費力前明林田公禦倭寇僅守界上遂  
 以失險可鑑也他若墩頭汎黃家洋隘下排嶺頭貓  
 竹園等處間道山勢平衍道路紛歧閩疆有警則此  
 面極不可忽蓋戰地非守地也其正南一面如章坑  
 龜伏野貓頭石嶺葛家渡各處皆上據高山下阻深  
 谿閩浙分界畫然天險也至於界內各鄉路徑皆通

亦多險仄無不可以設伏出奇倘有外患能村村同心守望相助則地利人和兼至矣所冀者良有司除暴安良庶奸徒緝於內蕭牆無虞外何足禦哉此則杞人所私祝因附圖說而詳及之旨同治甲子端陽後一日邑人林用霖繪并識

分疆錄卷之一

邑人林 鶚纂輯

男 同里董憲曾參校

輿地上

邑地間在閩括之交不啻坤輿之一塊然揆之保章氏星土之義亦自上應天文而幅員二三百里其間崇山曠谷交錯回環誠為海表輿區地雖僻而民稀土雖瘠而產薄風俗即有古今之異比之通都大邑尙不離乎渾樸在我

朝覆幬之中未嘗非善壤也

星野

泰順地在甌括之交分野所直當在星紀史記天官書南斗牽牛須女皆爲星紀在廿爲越分漢書地理志吳地斗分野粵地牽牛須女分野晉天文志自南一度至須女七度費直起斗十度終女六度蔡邕起斗六度終女二度一行起斗九度終女四度唐志南斗在河下流當淮海間爲吳分宋書天文志會稽入牛一度永嘉屬牽牛四度明一統志溫州斗牛女分野以上諸家起度不同要不越斗牛女間其於星紀一也至內緯祕言斗五度溫瑞安入六分之八斗二

十一度瑞安入五分之七藏書集要云東甌溫州在斗十四度丑宮舊浙江通志溫州古測斗牛分野今測斗六度分野則是溫州專入斗矣再按晉志東甌五星在二十八宿之外宋志亦云東甌五星在翼南與步天歌訣翼十九度二十二星之下有五黑星主東甌其說同若乾象新書屬張宿武密書屬翼宿俱在鶉尾之次與星紀異舊按斗牛女吳越之總星也若以一郡分言之不惟專屬一星且專屬星之一度也攷漢以下諸家吳越皆以斗爲占第斗一度直二百五十里則一千里歷四度浙一千七百餘里不及

南斗之半則浙皆屬斗明矣浙屬斗既亦屬斗廣輿  
記曰溫州城當斗口今城爲斗城山爲斗山以星紀  
析之定以今測則既屬斗爲是既屬斗瑞亦屬斗又  
舊志曰諸家記吳越揚州雖起度不同要不越於斗  
牛須女間此次舍之正星也至於翼南東既五星是  
爲一方專星惟東既主之而他郡不與焉此錄瑞安  
同愚按以上說博引諸家而主今測屬斗蓋指郡城  
言至謂浙江一千七百里不及南斗之半以斷浙皆  
屬斗誠非確據按揚州地起淮海秦之會稽郡最爲  
遼闊至浙東金華已應婺女似不得謂浙皆屬斗也

蓋古度日躔在虛危之交當元枵之中故星紀當斗  
牛女天老恆星西移今日躔在女三度當元枵之中  
則星紀當箕斗之全江南當在箕浙江當在斗金華  
亦非復屬女矣此殆今測之所以異歟按今泰順城  
在瑞安之西南三百里向郡北行又七十里地連括  
爲既源頭星野當與郡同在斗也今閩福寧志分野  
在牛山與泰順相連今測亦宜屬斗爲是


斗口五小星專主東既之說府志兩存不辨以天道  
遠難知耳然可以理度也星野之說古人多疑之然  
左傳所誌災祥徵驗不爽唐一行云懸象在天本乎

在地星之與土以精氣相屬而不係乎方隅是分野  
 有理可憑也以吾甌僻遠而有五星專主自唐以後  
 隱而不見則溫州危矣何以前此僻陋無聞至唐以  
 後星隱而地始顯哉無是理矣且既主斗復主小星  
 是兩岐之說也愚謂星為少陽之精應地為少剛之  
 石無星處為少陰之辰應地為少柔之土星躔所在  
 星少而辰多南斗二十三度餘直地下近六千里溫  
 州城當斗口之辰所直無幾不必在小星處也既立  
 斗說小星之說可刪

星野圖

步天歌云斗六星狀如北斗牛六星頭上有兩角  
 女四星如箕三宿俱屬星紀之次分今測古測依  
 省志繪圖如左

古測溫州  
 斗牛分野  
 今測溫州  
 斗分野



時憲書牛七度  
 四十分  
 斗二十三度五  
 十三分

右星野圖瑞平二志不同瑞志斗口向右平陽乾隆  
 戊寅志斗口向左今從之若今新度星紀之次自尾  
 十四度入丑合二度歷箕九度餘十九度悉屬南斗  
 尚餘四度半入元枵之次則溫州屬斗無疑矣



錄地緯度經度 瑞安舊志

〔府志〕揚州星分南斗牽牛須女地最遠闊占驗最難而東歐五小星前代已隱不見志書所引皆虛談耳惟地有緯度即北極高度以準南北可考太陽出入晝夜長短時刻之真又有經度以

京師為正中其地偏東偏西可考節氣時刻先後之實此官民所共用載於時憲者我

朝幅員廣踰前古測量算法最精今依

皇輿圖列經緯之度於後

溫州府城北極高二十八度謹考京師北極高三十九度五十三分杭州

省城北極高三十一度餘數分蓋自京城而南北極漸低故杭城視都低九度颶城視杭城又低二

度以一度之里數推之瑞城去溫城七十里北極高二十七度餘數分

經度偏東四度餘數分按各省交氣時刻視距京城

西者見太陽過宮早故節候亦早在京城東者見太陽過宮遲故節候亦遲杭城係偏東三度餘數分溫城視杭城為稍東半度歷法每距一度加減四分推之浙江交節時刻視京城加一刻溫州又加二分或安節氣與溫城畧同

以上錄舊志今據金華張太守作楠考定經緯度

如左

溫州府城北極高度 二十八度 偏東 四度二十一分

瑞安縣城北極高度 二十七度 偏東 四度十七分

平陽縣城北極高度 二十七度四十分 偏東 四度十分

秦順縣城北極高度 三十七度三十分 偏東 三度二十分三秒

疆域

溫於古為東國越裔之所保南連閩疆初不通中原也秦末閩君騶搖通於漢祖以功封東海王地始內屬漢武時為閩蠻所攻求救武帝為征蠻而遷其民則知甌素為淳俗三國屬孫吳六朝為永嘉郡安固隸焉晉分安固江南為始陽改橫陽後為平陽明復分瑞平西南山鄉為秦順舊志序一則曰巖邑再則曰巖邑豈民風獨殊哉特以深山險遠屢為土寇

所亂耳

本朝自耿變後沐

化二百年蔚為文物之邦道光以還吏治不振秦順界

外瑞平港鄉較多莠民而界內尙能畏法迨粵寇入

江南人心愈肆瑞平港鄉遂有金錢會匪之禍秦屬

賴民團以免豈非設縣之明效歟就今而觀不惟非

巖邑且為福地矣所慮者干戈未息民力將竭瘡痍

難復泉貨不流四民俱困以致人爭末利不知本義

釀成殺機山邑土瘠民貧患在人滿全賴鄰縣覓食

今已坐困人心難平惟恃年穀順成官長明哲歲延

一歲日保一日一遇荒歉外患未來內難先起吾恐復如明末清初之子遺寥寥也山鄉土薄氣運不長難振易衰自宋以來已再轉渾沌矣監往知來有心人其念諸

本縣疆域東西廣二百四十里南北袤一百二十里

東至平陽北港一百四十里

南至福建福安界八十里

西至福建壽甯界一十里

北至景甯界一百三十里

東北到瑞安三溪一百一十里青田界九十里

西南到福建壽甯界一十里

東南到福建霞浦福鼎界一百一十五里

西北到景甯及福建壽甯界八十里

驛程自縣治東北至府城三百七十里陸路由諸

暨至省城一千里水路至省城一千五百里至

京師五千里

縣治初爲羅陽鎮勢據西偏後倚天關山高挿天半左降爲鳳皇山橫張若翹分枝層疊迤邐而入張華蓋形縣署枕其下署前起萬羅山踞縣正中故鎮名羅陽左有飛龍山卽幹龍環抱至縣前右

有舞鳳山自天關右展下抱直趨水口外限壽甯  
左水北東二道入城合抱縣前右水自白溪出南  
陽平溪合左水出口壽甯之苾阮尖卓立當門內  
寬外密形勢特為雄秀故設治數百年來無大灾  
稷居民安樂蕃息云

城內為坊六

承宣坊

太平坊

士林坊

今名舊學底

登俊坊

永安坊

今名毓秀

文明坊

四隅

舊止分東西隅康熙四十年知縣曹公紳分編為

四隅並編八都共為十七圖與舊稍異

東隅

三陽

方家洋

交陽口

赤沙後

南隅

平溪赤坑

溪尾

西隅

大深洋

溪坪

南陽底

白溪

東源

北隅

沙底上稔

半陽下稔

上莊

嶺下

三灘

仙居

以上四隅俱屬舊義翔鄉五十九都

八都十三圖

一都統圖二共五十五村後起  
小地名并入大村不贅

池村

今名司前

石柱源

員洲

潭邊

裏莊

上地

楊寮

景甯界

五島

葉山 榿陽 連山 碑排

陽院汎 蕭條 左溪 梨樹坵

嶺北景甯壽甯界 陶軍陽 員潭 山根

大岡背 暗院 疊石 黃院

木棉村今大坂洋亦屬木棉 溪口 千秋門

大住 何宅陽 竹里 陳路院

元橋 小峴景甯界 盧西景甯界 何宅

後院 石餘坑 黃山 鍾院

半路 南峯 南院陽 朱嶺

魏陽 陳莊 下草 葉岸

西岸 東岸 嚴公洋 百丈口

江口 金坑 三尖

以上俱屬舊義翔鄉六十都嶺北以下六莊 係五十九都

江口係五十六都按一都地唐宋明總名百丈

二都統圖一共二村分九庄

莒岡 上村 下村 輿底

葉山 坡頭 湖排頭 岑石

橫溪 番院

以上俱屬舊義翔鄉五十六都

三都統圖二共三十九村

庫村 漆頭曰侯林漆下曰 翁山

三陽 平陽界 都舖 橫阮 南嶠

包阮 吳源 新畚 曉峴

林畧 新塘 包陽 東灣阮

龍門 古名龍溪 林岸 唐山 朱阮 瑞安界

項步 毛山 焦溪洋 瑞安界 塗阮

峯門 皇步山 徐阮 排前

下岫口 青田界 嵇陽 青田及瑞安界 莊底 瑞安界 章背 瑞安界

葉社 青田界 勝阮 青田界 黃檀阮 青田界 金鍾

雷淮 馬跡 塘宮步 南向 青田界

以上自新畚以上屬舊義翔鄉五十七都 曉峴 以下屬舊義

翔鄉五十六都

四都 統圖二共五十七村

洪溪 葛陽 上下林即桂峯 建嶺 汪阮

夏家山 員谷 上洪 下洪

南源 洪溪尾 下采 水車陽

橫岡 院口 蘇畚 莊前

洪口 燥阮 深渡 陽山

龍潭口 陶家山 小洪陽 碗窰

嶂後 七孤 山交 湯陽 後山

川山洋

橋頭

南山

交陽

楓樹梢

下察溪

洪阮

周阮

林山

魚鞏潭

金阮口

篠村

東陽

鳳林

長陽

徐輿

董家山

竹園

東輿

溪平

北坑

巖頭

五蒲

黃監山

均頭

前山

山後

半路

梧桐洋

下村洋

以上自洪溪以下屬舊義翔鄉五十八都以下屬舊義

翔鄉五十九都以下屬舊義翔鄉五十八都按唐宋時

自龍潭口周阮等處統名上草自一都陳莊以下名下草又按蔡氏謹自一都江口以上水港統名

三十

六都統圖一

龍頭

阮口

栗子山

陽尾

龍頭

勘下

上嵐

東陽

嵐底

武陽

羅漢

李陽

池源

盧梨

彭家堡

三門陽

墩頭

前山

以上俱屬舊歸仁鄉三十九都

六都統圖二

是洋又名仕洋

翁地

葉瑞陽

竹底

內外西坑

洋邊

平阮陽

大小陽阮

樟阮

排頭福鼎界

巖山

陽望

貓竹園

霞浦界

上下排福鼎界

早洋坪

阮西

茗陽

王家洋福鼎界

林洋

四溪

北溪

溪源

竹里

薌巖

花園

莘陽

上洋

半溪

東坪

巖頭舊玉岩

南溪

竹溪

陳陽

古名陳管今分上下陳陽

黃甲陽

曉陽

立石

上莊

前坪

淡竹洲

桑樹陽

九峯

葛嶺

東安

篠澗

石門

南陽俗稱西溪頭

半溪

蘇家阮

斤竹阮

風門平陽界

以上自仕洋以下

屬舊歸仁鄉四十都

四溪

屬舊歸仁

鄉三十九都

七都

統圖二內南院南北大安三魁章峰係總地名餘共六十二村

南院

砭渡

上察溪

吳家山

彭家山

藤坪

山頭

南院底

山邊

圳下

楹陽

阮邊

西陽

新橋里

毛陽

彭畚



上下周陽 郝家洋

橫溪 可溪

棠坪 余阮

周邊古名石邦 石嶺

半路 巖坑福安界

宅上 蘇洋

長坑 黃連山

石岑 董庄

舊大安南 步尾

花瓶頭 下塔

坑源底 楊梅坳

黃泥洞 峽嶼

舊大安北 猿嘯橋

窰下 後洋明改華峯

大坵坪 魏坑

南山下 洪嶺頭

舊三魁司 龜岩

小溪邊 西畧

邱溪 詹陽

高陽宋名茭陽 油陽

章峯 洋面

露嶺 溪坪

樞陽 龜伏

車頭 龍漩福安界

菝陽 雙程

魏陽

以上自南院以下并屬舊義翔鄉五十九都上下

及周邊屬舊歸仁鄉三十九都大安屬舊義翔鄉

以下屬舊歸仁鄉四十都

五十八都三魁以下屬舊歸仁鄉四十都

上東溪 小溪 萬丈深俗黃畚庫

墩頭福鼎界 山前 駝地 北斗

西陽 高場 梧村 梨陽

山茶嵐

牙陽

上村

中村

下村

里陽坪

際頭

上下陽

楮樓院

孔目陽

金獅陽

浦上陽

寮邊

南陽

步下

嶺下

排嶺

福鼎界

垵底

吳家墩

北溪

彭院

隱章

福鼎界

章排

蓮頭

富洋

三坂院

石湖陽

平陽界

分水

閩浙界

以上俱屬舊歸仁鄉三十八都

以上村庄悉照舊名編次與舊志稍異詳見林用

霖古今地名辨

附古今地名辨

古今地名原無不變然變必以漸亦必有因故雖俚而益見其質吾邑古地名歷久而漸改者固多可稽然有嫌其太質而強文之者正復不少此多起於前明設縣之後舊志遂多混載其實文字雖改而俗呼仍未改且有因改而混爭山地者誠不可不辨其久而漸改者如古池村以有巡司遂呼為司前古龜巖宋初即有是名後人因前三峯遂名三魁今乃稱為張宅左近之錦溪曰薛宅高陽在宋名菱陽設縣後改為高平陽志載歲貢劉易爽三魁人則統稱三

魁也而今獨稱爲劉宅梧村外洋則稱爲卓宅東溪  
蔡氏居遂稱蔡宅古石邦後稱周邊此則因氏族而  
改俗呼久而漸晦其舊古是陽南宋又名在陽屬章  
峯里俗獨稱仕而平陽志蔡起辛注居在陽則因傳  
寫之誤遂訛在爲在也砥渡改江渡大畷陽改大範  
陽此皆諧音而漸改者如淡竹洲今僅呼淡洲則省  
文也莘陽宋時舊名也 國初遭兵燹惟市亭粉壁  
僅存今遂并其地呼爲白粉牆又古冊地多載總名  
後祇稱其間村落名而失其舊者如今一都木棉池  
村一帶唐宋總名百丈又曰百丈林見徐氏族譜及

宋濂文集今僅水口外呼爲百丈口箬陽一帶古總  
名毛家山見葉水心集今僅毛山一莊仍舊名洪口  
溪唐宋統名漁溪宋時溪旁有鞏氏居今僅存漁鞏  
潭之名而鞏又訛爲充自漁溪上至龍潭口下至江  
口宋時總謂之三十六革自周院以上爲上革以下  
爲下革今僅存下革一小地名自江口以下至灘脚  
古總名龍溪今僅龍門畧存舊名又古名有分南北  
後竟離而獨稱者如古大安南大安北今僅南仍舊  
北則明時已改爲華峰今俗但稱後洋古南院北院  
以水南流入閩者爲南院北流入瑞安者爲北院今

則水北流獨稱爲南院而舊南院曰南院底又有奉  
官命改者如古之方村宋時改名莒江見處士吳承  
膺墓碣設縣時孫公原貞命改名莒岡今其地惟方  
村塘方村尾畧存舊名至於木棉改睦源毛洋改豪  
洋葛陽改桂峰箬陽改桂陽上莊改象鐘貝谷改堆  
谷番庫改積庫霧嶺霧溪改武嶺武溪牙陽改雅陽  
裏莊改里光周邊改洲濱石嶺改瑞嶺篠村篠澗曉  
陽小溪改秀村秀澗秀陽秀溪陳陽改仁陽葛嶺改  
國嶺蕨坪改桂坪彭畚改平畚吳家山改五蛟山豆  
鷹嶺改交富嶺彭家山改鵬家山嶺下改嶺夏洪溪

尾改洪溪美此皆因俗見而強改者尤爲鄙陋而舊  
志所載有已改者有仍舊者有諧音而訛以別字者  
且有新舊並列如葛陽桂峰者尤爲蒙混故茲錄特  
加更正悉仍舊名以歸質實識者諒之

### 山川

天關山

廣輿志作天關山舊志及俗稱並作天關

在縣西北十里高聳入雲爲邑主山綿亘二  
十餘里各鄉之山多由是分支雲蒸卽雨山上  
有龍秋遇旱禱雨輒應南渡時徐少初隱此山後明  
季徐柏齡節之亦隱此見寓賢○國朝董正揚天  
關山詩雲來如龍舌磬劫雲歸如幄遮重檐大雲  
小雲觸石出一利那頃零雨活有時雨歇雲亦散  
萬松缺處明秋蟾一縷半縷相鈞絡離離欲繞蒼  
官髯茲山特以出雲勝兜羅棉海時露尖龍子所  
居山之頂清冷一勺幽且纖其所憑依不在大旱

與勞與民是占山下每每田百頃與漑白稻滋青  
糧南服之南人不到古來誰為著素縑譬如貞士  
恥混俗姓名并不挂里間坐令天關易天闕志乘  
所書心未伏昔者滄桑換塵劫申西之際明祚燬  
城北美人始到此入山真見潛夫潛小長蘆老關  
幽德大書特書何謹嚴是時吾祖亦嘉遜棲居廿  
載甘久淹坐對此山稱大隱溪雲一握依筠簾兩  
人志節心相許神交有如鰈與鷓爾時曾否相通  
問尺躡寸紙無由瞻得非苦衷不可說心神欲語  
難為厭我家世居平水曲羣峯羅列排瑤籤茲山  
雄奇尤冠絕綠如水浮屏轄何况苦節與山峙  
書之頌之真無嫌名山祖德吾所述不朽者三終  
不繫○董旂天關山登高詩壯士貪名山如旱望  
雲霓吾鄉富山水天關抑首推累歲懷佳遊未得  
遂攀躋丙辰秋之杪菊花正及時先期戒行囊昆  
弟愜招攜吾家有從兄性頗耽幽栖結廬陳家洋  
天闕居其西徑作不速客信信兩不疑詰朝理清  
策晨光猶熹微路隨楓葉轉人與竹林齊傾谷如  
懸巖峻嶺如累基葛弱攀屢斷徑窄踐許奇我本  
巖壑士蘭足登攀宜臨險亦藉掖數起而數歇後

此就前編足頓不能移數武坂益仄透迤同盤螭  
身俯尻愈高心怯神先馳樵子向躑躅倦客矧委  
蛇所憑勇往志不隨艱苦勸忽來岫如掌足底峯  
漸低天宇已開曠城郭猶迷離乘興復追探行歌  
散煩疲一峯初悅目轉步前峯催去美惜已遠來  
奇望猶希振衣已忘遙高峯忽然閑孤撐起天半  
傑卓無明儕萬山齊奔赴到此隄已提一身出天  
地笑看部婁與龍湫雲欲騰舞鳳翼盡垂九峯相  
吐吞秀色鬱參差微茫括閩區歷歷皆可披城中  
昔望山巍巍接天維山上今望城鱗鱗如覆巒始  
知身居高萬象失容儀巔屨趣既窮興盡言旋歸  
薄醉忘路險喝于各頃篋雨暗人家流水濕履  
蒸嶺滑落屢跌衣重行每遲可憐滴瀝聲隨我到  
荆扉酌酒還自勸嗒然坐書帷屢屢動魄魄空翠  
猶在眉團詞欲謝瞻詠真愧康樂才夢中尙神遊  
浪猶成題敢效謝瞻詠真愧康樂才夢中尙神遊  
笑負名山癡明年茱萸熟再與諸君期○附林鶚  
望天關山感賦雄關孤聳一方宗衡霍西來此附  
庸赤縣分疆開下邑青天虛左讓高峯荒城誰守  
先民業落日猶留太古容一代清風人不見南山

同望白雲封○又九日登天關最高頂詩天關拔  
 地幾千尺倒影山城萬瓦碧萬民仰望卜雨晴終  
 年不見遊人迹問途二五少年欣相邀九日英囊  
 霄拍牌鼓勇思一試四五少年欣相邀九日英囊  
 盛姿餅酒經散榼隨詩瓢行行出郭西復北兩三  
 村景各殊色野田或割或未割或畝或豐視所植  
 或擔或荷相摩肩入城輸租不敢匿嶺半長亭接  
 短亭逢人憩坐聊問程繞行山足山轉隱疑遺雲  
 將閱其精余乃屏息通山靈驅策馮夷呼五丁真  
 宰上新山鬼驚須臾雲密亦停仰視天際峯峯  
 明拳裳踴躍忘頗平折枝披露循徑上一曲一峯  
 一平壞一平一前峯愈高腰足欲罷繼以杖立足  
 已據最高峯外有峯入雲中乃知所見最高處  
 遠望則然非其宗警諸為學無止境道超象外不  
 可窮登峯造極始徹悟聖不自聖非虛恭同視艱  
 難入山處歷歷指點思前功千百高峯都在下無  
 與天關齊肩者高下千村裏一城水田黃白人烟  
 青嶺看日極境不極碧守四圍一團黑黑中間白  
 白轉多白雲頃刻遠青螺橫風曳白蒙下界漸漸  
 上嶺將奈何風急雨來不可止高呼快哉吾歸矣

下憩古庵據前楹呼酒大嚼興未已童冠雜坐多  
 酒豪中有樵者隨吾曹彼此忘形恣朝謔但輸我  
 輩能題餅憶昔生長城西偏樓窗日對此峯巖好  
 山在望不能到孤負山靈凡幾年自從匿影南山  
 霧蝸寄一廬守邱墓中年有志遊五嶽戀戀一邱  
 才能去咫尺名勝如不來空使他年怨遲暮今日  
 相將汗漫遊酒酣耳熱忘白頭諸君竿頭期遠到  
 我生無用如贅疣但願遠遊自此始男兒孤矢何  
 所求行矣諸君慎勿鳳皇山起在縣治後其勢橫展  
 休五嶽視此猶一邱鳳皇山起在縣治後其勢橫展  
 治在地軸山橫鎖水口許飛龍山在東城外蜿蜒  
 其下地軸山橫鎖水口許飛龍山在東城外蜿蜒  
 龍舞鳳山在縣右自西而南橫界赤沙山在東霞  
 山在城南內董氏世居其下東北二水入城合流  
 山過山前南出合白溪水入閩海○國朝董序九  
 日登霞山詩索居逢九日山上一問遊紅葉西風  
 晚黃花細雨秋雁從寒樹沒嵐帶遠峯浮何必茱  
 萸酒清吟萬羅山在縣署前孤峯突起乾隆末邑  
 亦遺愁萬羅山在縣署前孤峯突起乾隆末邑

道光間署令陳殿階或於風水毀廢至同治初元

邑紳潘庭梅等重建加閣焉並建義倉於山後

西峯族居○明邑令范勉詩公暇遊觀路不窮天

風吹我上高峯蓬萊勝境蓮花峯如蓮俗名五葉

知何處望嶽三絕島中外壽甯縣頂有雙峯高出

蓮文筆峯在縣南十里外壽甯縣頂有雙峯高出

花文筆峯在縣南十里外壽甯縣頂有雙峯高出

阮尖○按壽甯山仙居山在東隅一十五里山綿亘

縣志謂之漸山十里下為仙居村旁有小

四莊上稔山下稔山俱在東北陳岱山去城三里

臨龍潭旁為陽山以上城隅

嶺北山去城三十里山下村落十莊西高峯為風門

於此設守粵寇百文山峻絕奇秀下有龍湫雨

負山後分支為南峯山高畚山裏莊村之南高岡

特聳綿亘一二十連山在池村左溪之源極龜峯

里東連池村司前特聳山後為胡盧峯端峭秀聳餘

池村之左秀削特聳山後為胡盧峯端峭秀聳餘

木棉村朱徐子雲隱居山下石壁前後村六角莊元

上一都

白雲山高廣二十餘里綿亘二三都之間旁有峭峯

左為庫村右為葛岡後石壁上為橫溪林巖唐寓賢吳哇

詩西風... 臨絕頂東南海國見源頭雲生足下羣峯湧日近  
又遊白巖詩晴日好山招健遊石龕千仞洗清秋  
舉頭絕頂與天語跼足巖阿昔鳥愁諫議故居荒  
瑞峰山 白雲山 旁支在 西山 葉寮山頂後石  
去留 瑞峰山 莒岡庫村之間 西 山 葉寮山頂後石  
室為沓 以上二都

大壤山

在庫村... 雷潭在潦頭水從高崖瀉下殷然如鳴雷  
宋林夢禾庫村山水歌老峯萬仞插天碧與天相  
近不盈尺所鼓之山臨碧川金甲之山懸峭壁雙  
峯文章倒書空烟雲潑墨四時濃古利瑞峯最殊  
偉青山巒巒挂芙蓉書石之陽宜隱遊隴巍六月  
涼如秋佛圖靈異侵天影天然一柱擎中流侯林  
之地接橫陽泉源異派清流長喬木森森有繁蔭  
其中蘭蕙芬芳香錦谷畫橋堪寄題揚鞭走馬臨  
危隄拂袖天香桂高折青雲足下丹梯潦門瀑

布銀河... 風三月金魚化永嘉山水古稱美此山此水更無  
比吳公諫議出山陰挈家肥遯始居此垂訓後昆  
孝且忠况兼勝地鍾豪雄魯笏傳家有餘慶林泉  
足樂誰 太史峯 在其下北下臨深溪莒水之源  
能同 百里外中有雷鼓深 翊陽峯 高與太史峯齊連岡  
山後十餘莊皆翁姓 翊陽峯 疊嶂多竹故名翊陽  
山下村 毛山 下亦對山塗山 脈與毛山連絡高  
皆毛姓 毛山 下亦對山塗山 脈與毛山連絡高  
二天開山 高而大幹龍過此至平陽及福甯各邑  
秀土產荔枝味 龍鬪山 有村落四莊瑞安界 卓山  
皆談此產獨甘 龍鬪山 有村落四莊瑞安界 卓山  
林岸 天湖山 泉頂有池大旱不涸周圍有七十二  
村後 天湖山 泉頂有池大旱不涸周圍有七十二  
泉詩既分混沌有靈竅天一之生由自北山 洞背  
然我挈銅瓶行且汲汲書七十二清泉 北山 洞背  
在江口下流為一二都水口山半厓中有洞深  
不可測昔人避亂其上樵者常於洞中拾得汞石



蓋古銀院也山後近上坪莊有石峽石柱峯北山  
 明僧太初於中闢為蘭若名仙巖菴石柱峯之北  
 上有大山人避亂處盤旋而上至頂後為石壁立萬仞上與  
 雲齊一仄徑盤旋而上至頂後為石壁立萬仞上與  
 昔人避亂處盤旋而上至頂後為石壁立萬仞上與  
 柱山有戴笠巖石柱去城二百二十里即此戴笠石  
 巖在嘉嶼中詳下蓋緣此山後近大巒故戴笠  
 誤編於嘉嶼鄉○附林鶚石柱賦賦見藝文獅子  
 山在朱院頭村以上三都  
 鶴巢山在交陽去縣城十里上古山交山峙危崖交互  
 下有龍井月山去城一十里形如半月山下月君山之前  
 深不可測如笏頂上有寨址昔人避亂其上四山下  
 高崖特聳如笏頂上有寨址昔人避亂其上四山下  
 前後村落約十餘莊○舊縣志稱一峯獨尊四山下  
 朝之蓋天馬山在條村東界高十餘里鳥桂峯在  
 附會也○道通翁山俗名朝天馬鳥桂峯在  
 陽山多產桂○國朝董正揚桂峯詩無數前山叫  
 畫眉桂峯村裏夕陽時石橋流水如蒼玉半畝荷

花祭酒祠峯前峯後兩三家寂寂幽宮水雞冠山  
 一涯知否羊曇馬策西風吹淚上蓮花雞冠山  
 峭壁特立前為洪村後為洪溪橫岡諸村山蓋一  
 方之望頂有清泉昔人於其巔結寨避寇○國朝  
 林枝槩過橫岡詩訪舊晴過別一村樵夫笑指栗  
 為門引泉入屋通高壑種竹成林抵壤垣疊嶂霜  
 侵容漸瘦平溪水落漲留痕主人洪口山由桂峯  
 好是會相識欸客新開北海尊  
 巨餘十餘里洪溪龍潭葛水交匯其下○山下村  
 十餘莊唐賢徐相初隱居山下小洪○明鮑緝  
 洪口山行次張邑簿韻拾磴崎嶇上翠微空濛霧  
 氣襲征衣荒林雨足春耕早古碣苔封客到稀遠  
 近嵐光浮樹影參差倦翻帶斜暉官以上四都  
 中了事無多暇踏碎殘紅馬似飛  
 羅漢山在太安金鐘山六莊○舊縣志誤作金字山  
 牛額尖後山盧梨嶼高路四達各鄉登其上四  
 同常見雲海俗謂之望海嶼○按平陽志有盧屯  
 山與福安界此山在平邑西南正當去福安之中

想係土音屯棘諸轉之訛○附林鶚借同學登望  
海曠詩雪影雲容太古留風浪日色冷荒邱直從  
鳥絕猿愁處望到天連地盡頭四面螺青千疊擁  
一簪虎咆萬山秋遙知帝座通呼吸還擬同攀五  
樓鳳獅子山獅領下一大洋水口山狀如以上五都  
四溪山平古名羅溪在四溪之西又名西山府志載在  
中峯正圓如柱餘如肩合四十二峯北聯品山四  
水合流南出又云溪南有五峯如老人此山舊府  
志所作羅溪當是字訛云今按此山形勢確符府  
志所載惟所謂五峯如老人即品山餘峯故俗并謂  
北聯誤所謂五峯如老人即品山餘峯故俗并謂  
山統謂之九頭山○宋趙汝回宿羅溪山詩鴛嶺  
東透霽景微碧桃花○附林鶚西山懷古詩西山橫  
知有僧人掛浴衣○附林鶚西山懷古詩西山橫  
鎮曰溪泉四十二峯倒影連竹里初來唐逸士薊  
巖曾住宋名賢喬林南北餘茶竈荒塚高低生野  
寺欲覓吾宗訪遺事品山特為威嚴山前為華陽  
幾回和泪拾殘編

村在東溪之九峯山九山聯亘前為儀陽峯尤兀  
旁林氏世居九峯山特九峯上為天池俗名龍旋  
湖廣數十畝登峯俯瞰四水周迴數十里村落星  
布皆在目前東望沿海諸山如兒孫以外海天無  
際雲日變幻獅峯頂巨石突兀仰視如獅登其上  
可觀日出峯下為陳營砦北連獅峯高峭特雄上  
竹溪村斤竹村陳營砦有昔人避亂寨趾山下  
二村俗名上下陳陽宋時為陳氏族居見水心集  
山半有石洞清泉出其旁道光時僧法柱即洞中  
闢為庵清修力作足不出山懇田五雷峯大山下  
耕畚以自給惜椎魯不識字耳  
小石峯東溪水清幽如其下石笠突在竹溪村前山  
右為石門村清幽如桃源石笠突純石而不露尖  
聳如觀音尖古為梅峯在東安村後高聳入雲以  
笠形觀音尖限南北去山十餘里為福鼎縣界以  
石龍峯仕洋溪東後山發脈章峯山上虎尖山  
又名馬鞍山仕洋之南與石龍峯九曲山在仕陽  
對峙里人饒廷珪有九日登高詩

○饒廷璽九曲山曉行詩  
訪舊上樟阮回首溪東望村低白霧橫  
有石室在懸崖下光潔如掃可容十人中  
應今里人即洞外右旁建靈勝閣為祈禱  
所○明張慶陽遊仙山詩縹緲疑從天際  
高在碧雲岑留仙信接飛霞近絕俗何須  
金闕曉寒瓊笈秘石壇秋靜玉簫沉迥  
前竹似有閣於洞鸞鶴吟○同治壬戌里  
雷等復建閣於洞鸞鶴吟○同治壬戌里  
頭山在鹿頭山館正掄赤巖山在篠澗  
容數十人洞旁瀑布勝於石門一名寶巖  
龍巖兵於此山如展旗羅溪東望寶巖  
如髻肩旁一峯如展旗羅溪東望寶巖  
林鷄赤巖懷古詩并跋羅溪東望寶巖  
荒晦舊名新邑早分明景泰故居誰弔宋  
拔斷簡收遺跡重訪龍湫挹聖清廿世宗  
寔高山獨仰不勝情○四溪山舊名羅溪  
之西山四十二峯綿亘十里印山蘭若在  
馬有宋

趙汝回詩古勝蹟也寶巖在東南陳洋大獅巖之  
麓巖色赤里人謂之赤巖山宋太學家慶雲公削  
籍後居寶巖中其地為古昆陽歸仁鄉平陽志載  
四溪山道里誤從鳥道遂致失攷載赤巖山在邑  
西七十里有龍湫不著寶巖舊名而古蹟志載  
林逢龍故宅在寶巖山亦不言其處故後人無過  
問者道光壬午余讀書篠澗村在山之陽夙耳龍  
湫之勝懸崖絕壁非健兒孫捷者不能登余捫壁  
達其境歸塗援木而下後於巖畔附石磴始與同  
人快遊寘焉然亦未知為慶雲公故居也又二十  
年辛丑修四溪族譜得古冊四溪蓋有五巖北  
巖金紫故居見許橫塘先生墓文東白巖謂之玉  
巖提刑墓在焉南梅巖龍巖慶雲公曾祖梅巖居  
士故居桐川太守墓在焉東南赤巖謂之寶巖慶  
雲雷發二公避兵處始知赤巖曉洋山俗名小洋  
卽古寶巖重登感慨故作此詩曉洋山平陽志曉  
洋山在西南一百里赤巖山西七十里四溪山  
南百里方向不一錯而道里則誤惟至盧屯山比  
溪山多二十里似乎相符然去平邑亦不止百二  
十里也又平陽志更有笠帽山縣西百二十五里

謂東為四十都西政和南福甯按舊四十都在今  
仕洋一帶或為今之白嶼山及仙山蓋壽甯即古  
政和地似為近之然去平邑已百六七十里矣下  
又云北青田東北瑞安凡四達則大混矣姑附記  
之以上六都

三魁峯

舊三魁巡司東高大過於諸西舉山與三魁

晴霽尤

見秀麗章峰高大特立綿亘二十餘里四旁村落

東溪後為

故又名茗陽尖雙桂山兩山齊出鯉魚山在三魁

口其山

起一墩處方平兩面皆崇崖峭壁山左壁有古石

刻鯉墩

名馬激巖麓頭開岔一石斜出水西石下溪水澄

碧如說

石中有竅畜雙鯉故名華峯在東北東山司東北黃

連山

福安界多產黃連白嶼頂前為檻陽石門各村後為

銀礦霞浦福安壽甯三縣界山頂有湖俗稱天湖  
大旱不涸相傳有龍伏其中久晴湖上霧起則有

雷石人山前有石高十丈許儼若人立故名山下

飛鳳山在南院山頂尖圓兩三台山俗曰筆架山東

屏風山在南院狀如屏風牛皮嶼在南院高巒聯絡

則無山與齊經冬積雪不消山中多巖其最鳴石

大者俗呼為烏巖遠視之儼如鴉立牛背

山在毛陽山半有石大如屋擊之焦溪山在高陽

銀礦出金山福鼎以上七都

馬頭山在牙陽之中俗呼陽上尖山勢自西趨東狀

如驛馬昂首特立四面俯臨村落十餘莊

鳥巖山牙陽之北綿亘十里特高為一蓮峯牙陽  
峯下為象牙峯牙陽北鳥巖山之陰峭梧峯在流  
蓮頭莊削如象牙鄉以此得名

俗名柳家尖由北而南橫亘  
 十餘里山下村落十餘莊  
 為松山後為邑之入都諸村  
 閩浙五代閩越戰守於此山  
 渡可通舟楫宋末陳自中從  
 此盡節許見金華志○宋許景  
 閩中多險阻卻尋歸路思悠哉  
 平水松山入望來○陳與義分  
 棹錢倉不足言盡行江左路  
 無跡潮歸岸有痕百年都幾  
 朝董正揚分水關詩闕閩開  
 劃重關險天低牛斗分危松  
 棄繻人下識覆船山大石如  
 無事效終軍牙東北山上名  
 蜂牆石下為池村出百丈口  
 來采船網何曾打得開饒頭  
 清如鏡不是樵歌切莫來在  
 潭右崖石洞如屋遊疊石山  
 龍潭者必憩息焉

昔人避亂其中頂上有五色寶  
 石其下畧平以上在一都佛圖  
 石砥立細紋層疊戴笠巖馬  
 如塔約高二三丈戴笠巖如  
 稱笠王謂有神船戶每歲必祭  
 又呼為兜笠巖其旁為兜笠潭  
 在溪月印巖大盈丈影入潭中  
 邊村因此得名百花巖在庫村  
 又名村印月潭百花巖詩一巖  
 又名山時開不假栽書籍巖地  
 卉山時開不假栽書籍巖地名  
 培力天然錦繡堆書籍巖巖橫  
 石壘如蓮花巖在戴笠巖下  
 書壘如蓮花巖在戴笠巖下  
 巖狀如雞仰啄對面山有石  
 巖獨白通體剝蝕如蠹紋俗  
 巖在滌頭以繫船巖兩面有  
 巖上在滌頭以繫船巖兩面  
 手印巖有手印俗稱仙掌石  
 龜巖在葛石牛巖

狀如牛卧 以上在四都 頭巾巖 三門陽後山 觀音巖 篠澗前

腰南趨為交池山 赤巖 即寶巖 詳 薌巖 在四溪

有石洞宋鄉逸林韶居其下號薌巖居士 玉巖 在

溪東溪巖色潔膩如玉故名其後為雙鳳山 梅巖 四

右為東坪巖上有玉巖洞天四字見金石志 蓮花石 在葛嶺石

在四溪南溪岫山平地突起二尺許光潤如鏡上

許前溪石壁有石刻右山石壁 蓮花石 在葛嶺石

有大象梅巖二字見金石志 蓮花石 在葛嶺石

立十餘丈四圍花鱗鱗宛然齒齒初開狀內有

洞遊者俯身而入其中高敞可容十餘人四壁光

潤似經磨礪 石鼓 在葛嶺柳 獅子石 在葛嶺山頂

亦一奇也 石鼓 在葛嶺柳 獅子石 在葛嶺山頂

通肖下有洞俯臨深澗 老鷄巖 在幹龍山巔下高

數百丈可望不可即 老鷄巖 在幹龍山巔下高

肖旁有村落 仙跡巖 在仕陽 合掌巖 高山如合掌

即名老鷄巖 仙跡巖 在仕陽 合掌巖 高山如合掌

狀下為竹底村再下為天梯巖 石參差層疊 仙掌

巖 在龜伏水口一石卓立 龜巖 在三魁 雞峰巖

鳥巖 大數丈獨立山脊遠近望 狀如龜 雞峰巖

三褶嶺 在東隅嶺勢盤 麂角嶺 南山嶺 仙居嶺

在北 百步峻嶺 在北隅地名橫阮出石可為硯

何擊 碧下有橫阮水澆澆秀氣盤鬱久必洩忽遺

潛璞 窺紫雲片何人淵識神所啟首解踏天揮霜鏡

窺規 紅紫雲片何人淵識神所啟首解踏天揮霜鏡

以羅 紋紅紫雲片何人淵識神所啟首解踏天揮霜鏡

物由 來藉人顯嘉名一詠太白復問鳳味銘蘇鬚微

詰溫 潤不藉人顯嘉名一詠太白復問鳳味銘蘇鬚微

一色 居磨不藉人顯嘉名一詠太白復問鳳味銘蘇鬚微

摩挲 十五女著手細膩心為恬松脂試碾冰脂涵

研山 晝暖浮晴嵐秋斂老渴吸不竭旋溟方寸神



外即福鼎界明林田禦倭處舊志作礮嶺○附林  
鶚過排嶺族先舜耕大夫禦倭處感賦白日荒涼  
起大風黃霞縹緲落遙空亂山缺處分閩越大壑  
源頭俯混濛此地巖疆無武備當年血戰有文雄  
感今弔古兩朝事  
舊恨新愁一念中

塔嶺 大鵬嶺 以上在八都 左嶺 金獅嶺 番庫嶺 玉

環秦皆山山名不勝紀載爰就著名而有開舊蹟者  
列右舊志有異名而莫知所指者未敢臆斷仍附於  
後以俟攷

錫杖山 南山 俱坊隅按南山各鄉凡數處皆係小地名此謂在坊隅未知何處

馬鼻山 舊作一都未詳其處惟三都有馬跡山山下溪邊石坡有石科數十圓如馬蹄痕故名上鞍橋石亦頗似

未知即此山之訛否 蓮瑞山 麒麟山 按七都有麒麟院山

上無石如麟 五侯山 五山聯立狀若俯伏 明山 山巔有五墩似蓮花明山  
麟亦非坊隅 以上謂 鳳翔山 山背特起如鳳  
居其中 以其處 欲翽舊志五都  
在四都 不知其處

溫江



分疆錄卷之二

邑人林

鶚纂輯

男用 用霖續編  
同里董憲曾參校

輿地下

山川

太平溪

在縣前源出上莊入北城至太平橋合東

甲許

門水過學前出南水門合平溪水過新橋二

午五

步溪合棠坪水下流再合周邊橫溪諸水入

安平溪

揚第一際詩白溪之水從何發飛泉百道

來寒

隘勢至溪坪始一束壽藤古木交蘭茝人家

花竹

抱溪轉翼以朱欄青石杠屈曲環流不十里

尾閭

一洩驚奔瀧垂崖戍削一尺下瞰無底神

為樓

石勢處昇不受水欲與水爭未肯降十萬龍

卓瞿

那七寶幢雲車風馬介而走緊羅奏樂聲鈺

分疆錄

卷之二

輿地下

山川

一

分疆錄

攬迦葉戲舞不自禁幻人緣絕都盧槿壑底寒雲  
歸不得與瀑俱飛落鈞砭下四為潭釀深綠有依  
其藻魚所邦更秀出雲中疎立蓮花躡下連七祭均  
卓筆一峯更秀出雲中疎立蓮花躡下連七祭均  
險絕如交劍戟羅牙鏃可惜峻急多砥石無由落  
艇浮烟雙探奇已入瘦鮫宅雖有佳勝不可雙落  
日野祠爐烟歇松聲謾又謾諸飛淙我亦選石松間  
坐前村月出鳴花龍謾又謾諸飛淙我亦選石松間  
觀懸瀑詩隨雲渡溪橋杖策每孤往初沿水響環  
更循石俯仰轉徑出平林勢忽殊間做鬼斧斲山  
骨劃然分兩斷峽豁隨天長流此奔盪坳谷覆  
漏釜垂崖削深盜驚湍隨不見風跌宕作奇響歸雲  
如柳絮與水俱下盤渦不見底俯白溪四里溪  
瞰迷恂恍應有老蛟蟠曬鱗見或倘白溪四里溪  
上為溪坪村齒董正揚溪坪詩平田漠漠帶疎林  
小徑雲合展齒陰獨石危橋通水確古藤荒社出  
煙岑落花數片溪流靜啼鳥一聲山翠仙居溪發  
深磯上蓑翁看坐釣春風春雨一聲山翠仙居溪發  
嶺北至員潭合滷溪水出嶺下放生池水出口合陽  
阮汎水至仙居村下合嶺下放生池水出口合陽

疇橋水與山交水流至嶺根温湯溪隅在坊左溪源  
合洪溪水出龍潭入洪口温湯溪隅在坊左溪源  
連山朱家潭至池村合裏莊三插溪源出景甯桃  
潭邊溪至溪口為白鶴渡莊三插溪源出景甯桃  
東阮諸水合流下太住至白鶴百丈口溪及白鶴口  
渡合木棉水出石函下百丈口溪及白鶴口  
渡水至江口合葛岡水至馬跡下合青田北鄉及  
排前水至黃壇坑口合青田黃壇水轉至金鐘潭  
出龍門古灘一名龍溪○董正揚百丈溪環溪在  
丈百灘一丈迢迢羅陽如在天上百環溪在  
口周繞琵琶岡溪發源翁山下合涖源至庫  
琶山故名琵琶岡溪發源翁山下合涖源至庫  
村水出江口平溪在翁山之東葛龍鬪溪在三都  
合百丈口水平溪在翁山之東葛龍鬪溪在三都  
以下眾水出海洪溪發源大溪源於此龍鬪溪會百丈  
瑞安界入海洪溪發源大溪源於此龍鬪溪會百丈  
陽橫崗半路諸水出嶺根葛溪在柱峯外原葛姓  
與仙居水合流下為漁溪葛溪在柱峯外原葛姓  
餘里抵漁溪合葛溪水出百丈口洪溪玉溪下流三  
洪口抵漁溪合葛溪水出百丈口洪溪玉溪下流三

分彙錄 卷之二 與地山川 二

十里與莒四溪東溪發源九峯山出玉巖至莘陽

岡溪合淡洲溪合流南溪發源陳陽及竹溪葛嶺諸

村梨樹洋水至羅溪山下合諸溪水北溪合錦溪源

三都橫院出溪源入北溪與東南西溪合錦溪源

四水合流下為洪劫潭再出為上下東溪合錦溪源

大安北由哉洲合盧梨院水至三魁合峽嶼水流

至下東溪合為大溪過章峯合霧溪水出仕陽合

大小陽院淨水諸溪出龍澗潭合雙港溪壽甯界

甯院底及霞浦南鄉諸水至交溪雙港溪源出壽

甯院底及霞浦南鄉諸水至交溪雙港溪源出壽

石竹洲今周邊諸水又過沸潭及深潭渡至交溪

合四溪仕陽龜伏諸水南出福安至甯德入海

交溪隔岸皆閩界龜伏溪源出近山十

按雙港溪南流四溪水西流兩溪交匯共出一口

故福安志亦載交溪又按福甯舊志以此溪源長

六百里故舊縣名長溪又按福甯志坊隅亦有交

溪不過松樹岡後小澗水與白溪合流未足為交

溪此則兩大溪也東溪即上下東溪上屬七都下屬四都

相交真交溪也東溪今里人改造石橋為通八都

及龍潭再五里可溪在橫溪之東水橫溪發源南院

合仙居溪可溪入橫溪合流橫溪之南過毛

慶為橫溪合可牙陽溪合排嶺水上洋至下村水口

溪小水出沸潭牙陽溪合排嶺水上洋至下村水口

日陽東安語水篠澗溪合彭院水至馬尾溪出門下

出福鼎馬尾溪篠澗溪合彭院水至馬尾溪出門下

入海鼎前

楊柳潭在南門外平溪○國朝董正揚楊柳潭詩么

屋雨三以清溪何蔚藍雲水滌洞皎鏡皎是為

楊柳之溪潭楊柳依依垂溪龕澄鮮空翠交相涵

時有落花媚溪色一翦春羅萬綠酣吾宗逸老居

潭側平生若壑窮幽探陽元沈默不見賞使守確

屋誰則地夜半鬼語亦奇絕似憐此老文思慙百

分置錄

卷之二

輿地

山川

三

甘潭上峯色羅玉參何當結屋潭上住嘉名錫龍  
 以星柯庵杯湖退谷倘相比為潭作銘吾所諳龍  
 井在城西五里上下深俱高百丈仙人潭在城西  
 潭中有石金鷺潭在仙居潭雨於此  
 象人坐狀全鷺潭有石如鷺君子潭在池村百念  
 山村雜憶詩有雲湖頭潭都一莒岡龍潭潭出篠  
 飛君子潭之句潭高數十丈旁有石室可容數十人  
 東水瀉入潭高數十丈旁有石室可容數十人  
 石壁有古題識國朝董正揚遊龍潭詩熱跡所  
 不到神天闕奇境不圖入山來峯轉得奇騁圓石  
 凹為潭大不踰一頃懸流入山來峯轉得奇騁圓石  
 注等窪尊不鑿同浪井斫盡此山藤未足當修綬  
 試以巨不投餘響振同嶺羣魚作隊來斜斜復整  
 整重碧迷藻莎纖紅亂菱苕頽雁擬獅顛修削翠  
 鳳頭跳波初見鱗敢水忽沒影幻化疑蛟龍眼光  
 射孤罔不敢罩以督誰能采厥血其旁有石室天  
 構逾黝靜將水織成簾以雲幻為屏岩白間蒼苔  
 綠若篆文炳仙人之所居百靈此覲省一到俗  
 靜捐坐久重裘冷此遊洵奇絕他樂不敢請洞

潭在江口下崖高有石金鐘潭潭旁有石堯笠潭  
 潭在洪口渡下流狀如懸鐘堯笠潭

在戴笠龍門潭翁山龍井上有員潭在三灘墮  
 馬潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

潭在洪歇船潭往來泊舟於此銀盞潭漁鞏  
 潭在洪歇船潭往來泊舟於此銀盞潭漁鞏

魚青色大可盈丈浮泳水緯絲潭在仕陽石巖山  
 上凡三日遠近來觀始逝  
 觀九龍潭在六都上有九山狀若九龍後即三將  
 可魚龍戲曲尺潭在戲洲曲折如匠尺為里人放  
 無底潭雲曲尺潭在戲洲曲折如匠尺為里人放  
 吳蛙山交龍潭詩兩崖相交臂溪穿混地地臂下  
 井兩崖陡束灣抱幽閣少見天日尤為奇絕○唐  
 窪上有龍一在螞蟥嶺一在江渡溪旁皆石壁深  
 有龍井二測昔稱有龍居焉山交龍井四都溪  
 兩山如壁浮在其舟遊可三山交龍井四都溪  
 四里靜深莫測昔稱有龍居焉山交龍井四都溪  
 潭姓居故自今作充誤龍潭潭在城東三十五里

引緯 石龍潭 在仕陽中有石狀如龍山石龍山下

時一 石柱潭 在仕陽下流溪中一段落宛然水淺

可睹 一 石龍潭 在仕陽下流溪中一段落宛然水淺

聽風 泉響能生道者心 鍾 澗潭 在七都○董璋祭

期不 可作誰為鼓 瑤琴 不在遠我來清到心洞雲

當暝 練劍挂綠蘿 陰勝 朗嘯 松風外寒聲度碧岑

沸潭 在七都石竹洲之下 流出至潭正湧起如鍋

中湯 沸亦 龍漩潭 可測土界有石形若龍蟠潭深不

奇觀 也 八角潭 在牙陽 三重澗 各都均有○胡

浮起 即有 應家山 三重澗 封樟杭三重澗

山門 春不鎖 流水 濺花紅 風

吳諫議宅 在庫

三友洞 在庫村金谷菴右見金石志○宋吳泰和三

川紅 看山 祇有蒼顏 客避世更無黃髮翁 明月影

移栖 鳳竹 白雲 陰鎖 卧龍 松茂 寒三徑 人何在 只

有孤 梅 寄朔 風

錦繡谷 在庫村見金石志○宋包括錦繡谷詩恍然

開小 天地 外潭 似畫 圖間 泉響 巖為 應風 柔雲 較

龍鬚巖 在簪村唐寓賢林建初入山

徐子雲宅 在村木 下岩 上產 龍鬚 草

薌巖居士宅 在四溪北溪見許橫

梅巖 在四溪南末鄉逸林待

赤巖石室 在孫淵村後山中未賢林逢龍兄弟避兵

詩并跋 欲養九秋 豁翳障 羣峯競 鮮爽初 闢赤巖 奇遊

童冠挾我往石徑 錯給矸 行披篠 蕩漸入 路欲

迷再進 力已勞 攀藤窺石罅 忽見石門 敞方知 奇

境來垂危 磴踏雲 上度險 怯無聲 漸聞水 聲響 鬼

斧斲山骨 剝然勞 而雨石 屨覆懸 崖山腹 露平 塚

峯頭 駟駐 閔室 呼颺 躡獅 既欲 吼飛 鳥愁 扼

吮頰 何溟 濛安 坐亦 恂惻 恍玉 龍挾 雨飛 直下 一

于文 絕壁 束青 天白 光界 觸盞 滌天 石當 盤渦 湍 厠

珠在 掌葉 和蕭 瑟石 笋觸 盞滌 天石 當盤 渦湍 厠

山遜 亦儻 探此 造化 奇氣 一長 肴核 陳葛 苒 厠

列坐 雜榛 莽歡 呼多 酒徒 高歌 慨以 懷蕩 長嘯 天

泉萬 籟動 相盪 就中 狂生 狂醉 後酒 懷蕩 長嘯 天

風來 雲氣 隔塵 沈猿 鶴相 招呼 班論 入青 蓮 黨 笑

悟前 身五 百年 來 曩 曩 從 安 期 班 論 入 青 蓮 黨 笑

傲天 機流 還我 清虛 象快 哉汗 漫遊 落日 照 莽 蒼

歸來 思渺 然猶 費十 日想 赤巖 在泰 順六 都 錄

澗之陰 去村三 里許 綠澗 入穿 石縫 行百 武見 累

石中 洞如 門高 丈許 下可 坐十 人度 門入 峭壁 百

丈無 路可 上如 游者 攀崖 捫壁 至山 腰見 石洞 如覆

夏屋 削左 視幽 暗石 縫見 洞後 光隔 清水 一池 人

壁如 削左 視幽 暗石 縫見 洞後 光隔 清水 一池 人

不 得入 乃由 洞門 出有 階級 天然 行至 水際 見圓

玉峯廬 在仙居之源。○宋處士徐元鳳隱居有玉峯

頂卧烟霞芳樽時對陶公菊古鼎聊烹陸羽茶谷

邃自宜梅作塢徑深雅稱竹為家抱琴更向松岡

去曲罷風清日未斜。○一徑紆迴匝四圍萬中野

履正忘歸迎時遠岫分明見碎語幽禽相閒飛露

濕蘭叢香滿袖日穿林隙暖生衣。自

年夢幻誰先覺冷笑人間是與非。按林氏譜宋林明

林妃故宅在牙陽今俗名七擔。按林氏譜宋林明

有宋麟德宮妃或係喪亂之際歿於華亭者姑附記

再考以俟

振衣亭 在蕩陽宋賢毛子中建見水心集。○國朝董

亭無跡有斜暉水懸斷壁猶千仞山抱孤邨自四

圍秋色蒼然喬木在風流黯爾昔人非橋邊坐石

誰相問只有遙空老鶴飛

清音亭 在庫村宋吳駟

章峯亭 宋蔡遇

白華亭 在四溪南陽宋林丕

石亭 在東隅三裕

萬羅亭 見上禹

洗耳亭 在南山院嶺上左有懸瀑故名。國初建近時

亭前瀑淨洗縹汚清到心

迎恩亭 在陽春門外明邑

資賢亭 在鍾秀坊

-5 235 35 910" data-label="Text">

澤秀亭 在鍾秀坊

雙桂坊

在高陽稗嶺隘門內宋蔡遇壬起辛兄弟同  
雷人爭羨弟兄才魏我甲第撐雲起錦繡文章  
著意裁吳斧兩經窻下和天香並折月中回輝煌  
綽楔高千古瞻  
何還當起後來

石壁古書

見金石志

玉岩洞天

見金石志

明銀坑

一在高陽焦溪一在龜伏及淨水  
有官衙舊址

龜伏鑛洞

今日七

古銀坑洞

在牙陽水口外火熱溪旁石壁洞凡十餘  
有平入者有上升者有下降者通者深不  
可測道光初里人於洞中得古刀二想係前人避  
亂所遺歐朝賜古刀片牙陽山下多奇石石洞長  
留古鑛蹟地僻境幽到者稀中有寶刀藏自昔寶  
刀沉滯百千年邇近忽與樵夫值拂拭塵土出雙

龍面目本來已莫識歸來竟同劍戟銷鑄為樵器  
毀其一其一雖存仍向隅棄如頑鐵誰為惜歐冶  
後人偶見之楚弓遂為楚人得摩挲鑲匣訝奇製  
遮莫古是英豪物發憤為雄忘厥勞磨礪不少留  
餘力砥礪直費兼旬功爛然寶光始復出陸離眩  
目映霜華秋水一泓流奕奕寒氣凜烈神鬼驚聒  
芒閃爍魑魅泣噫吁嘻萬物顯晦原有時此刀胡  
入儒生空雄心欲試無所施何時出匣逞一擊且  
歛鋒鏘傍琴書晦明風雨先生側精英有日冲斗  
牛世有張雷當物色以此為最古洞外大石磨尚  
未悉開於何時深潭中有銀胚大如斗每秋冬霽  
存下流半里許黃金精光奪目又一

日掩映色如黃金精光奪目又一  
都江口金山下亦有古銀坑洞二  
義隱樓在四溪玉巖明遺  
古塔在城東南象山之巔宋  
古文祥塔在城南三里許明時建知縣王介慶重建



浦重

皇華館在陽春門外明時建

塚墓

寓賢陶喬墓在仙居陶家埠

寓賢吳畦墓在庫村侯林宅前

寓賢林建墓在四溪北溪上段後山

韓夫人墓在篠村東畧衡陽

寓賢夏子駿墓在莒岡底

寓賢徐相墓在木棉村古無相寺側乾山下

國子祭酒陶史墓在洪村雙橋洋底

宋

贈太中大夫林韶墓在四溪北溪東山許景衡為銘見藝文

忠訓郎徐震墓在北門外大貓壩燈花陽古水月庵後

林待聘祖母贈碩人王氏墓在四溪竹溪石笠尖下

武經郎林望墓在牙陽下村前山墓志見金石志

太尉曾光墓在八都東溪鯉魚灘頭

青州知府董天慶墓在董壩龍峰峽口

朝散大夫郡馬董顯回墓在縣後後壘尖山下

贈朝請大夫徐浩墓在三灘靈峯寺後碑見金石志

鄱陽太守徐涓墓在仙居徐氏祠後山

贈朝議大夫林桓墓在四溪薌巖之左東麓  
刺史陶璉墓在四都包畚車坪

鄉賢毛子中墓在庫村古廣度寺後葉適為銘  
見藝文

朝請郎徐履墓在木棉村胡盧峯東麓

朝散大夫林待問墓在四溪竹溪忠臣廟後山

贈金紫光祿大夫林淳厚墓在四溪莘陽舊記誤作  
林信厚墓

墓表見  
金石志

通直郎林文仲墓在四溪北溪東山

睦州知軍林元仲墓在篠澗菴前壟

進賢縣尉林亨仲墓在四溪石門

無錫知縣林端厚墓在篠澗

上舍釋褐董猷墓在桐嶺菴石梯

安撫徐元德墓在仙居曲尺後

將仕郎林應辰墓在四溪莘陽

江東路提刑林杲墓在四溪玉巖東坪

鄉逸林伯禮墓

迪功郎林豐墓

瑞州推官林庭遂墓均在四溪陳陽

朝奉郎張忱墓在高陽井上朱子晦  
菴為銘

建甯令林伯明墓在四溪東坪

宣教郎林庭彥墓

國子監丞林垌墓有碑見金石志均在四溪玉巖雙鳳

信州守林葉墓在四溪竑山墓志見金石志

奉議郎池獻墓在一都池村

司準使張準墓在峽嶼瞻雲菴下

大夫蔡允升墓在章峯洋面

太學生贈閣學士蔡良臣墓在章峯蕉坑

福州司理林克已墓在篠村上坳口

靖江知軍林夢發墓在篠村西畧後山

知縣毛自求墓在蕩陽西洲西洋

江州推官林賚墓在四溪石門坳頭

提刑林仲黯墓在五雷峯對山

太學生林逢龍墓在五雷峯對山舊志誤作林待問

承信郎林叔魚墓在四溪石門大場坑

象州知州林標墓在四溪竹溪太平橋

大理評事張雲翼墓在嶺北村尾莊後壟

大理評事林仲默墓

邵武知軍林庭簡墓

迪功郎林坦墓均在四溪曉陽程家坑

上杭令翁日善在翁山旁洋

石首縣令蔡遇王墓在高陽稗嶺尾左壟  
元

饒州倅林文鐸墓在四溪方坑禪院後山  
明

福甯縣教官劉易爽墓在戩洲彭家堡

建德王府教授董鵬墓在六都仕洋早洋坪

永定知縣曾顯墓在六都西坑

福甯州知州董鵬在南隅袁家地

池村同巡檢鄭君壽墓在南院屏風山

浦城縣丞董鑑墓在城內萬羅山

贈勇畧大失林田墓在四溪竹溪祠後山

耶縣知縣林盈墓在三都曉峴蘇陽

泉州府知事陶宇墓在一都金坑口

海甯縣教諭林德義墓在北隅青龍岡

袁州府同知周家俊墓在一都金坑口

遺老讓菴和尚墓在三都香林寺前

遺老董應科墓在南門外金盤

全椒知縣林一道在樟坑樓坪岡

漏澤園 在拱辰門外毛洋坪久地跡無可考

附義塚 縣志舊義塚凡三十三處周園繚以墻垣有門蹟無攷

三陽坪

舊塚無攷嘉慶初邑令涂大模充置官山為邑民叢葬所

上稔洪坑

俱在防隅

墩頭均後

霧露口

水井壩大路坪

以上俱一都

吳桂寮

在二都

古均

際頭教練壇

林畧下橫嶺頭墩

排前底

以上俱三都

篠村尾龜巖後

洪嶺頭計三區

邑人潘鼇創置

上洪山尾牛頭地

以上俱四都

戩州營頭

五都

泗溪大坪尾

西坑嶺頭亭側

樟坑樓坪

仕洋水口下畧

洋望神後

以上俱六都

峽嶼石墩橋底

三魁嶺頭坪

俱七都

牙陽大墓嶺後山有圍墻舊蹟

牙陽官路亭

富洋後灣

以上俱入都

以上皆國初被難遺骸叢葬處

風俗

泰邑在郡西南隅未設縣以前離瑞平治遠山中風氣非比水鄉民特質樸而野然自趙宋南渡仁風所被文物日盛禮教既興莫不家詩書而戶紗誦即胡元數十年科第既衰民益返樸而古風猶存及明初兵燹之後舊家益微豪強崛起風氣為之一變萬厯

府志泰順俗視平陽更質又泰以僻遠頗負固此則  
明初之習也舊縣志泰居陔極西山勢高下大小有  
序無刻峭頑怪狀水清澈可鑿而鮮奔潰故風土溫  
和民質不戾又土瘠民貧男耕女織其俗有唐風蟋  
蟀之遺民之秀者齒讓相先雖至貴不相假絃誦之  
聲居然小鄒魯此設縣以後之習也統一邑之屬約  
而言之誠然然地方二三百里山川雄衍異勢民性  
剛柔異質風氣固有不甚同者矧世變時移習俗漸  
改樸者日華實者日浮厚者日薄至於今夫豈盡關  
氣運實由人心日逐於末而不知返培其本其初始

於一二士大夫繼則尤而效之者衆遂流及於細民  
而古道無存矣然物極必反循環之道也吾深願後  
之爲士大夫者共起而挽之其不同者雖不能強同  
務期漸復於古卽未能出爲天下立殊功而先爲鄉  
里培元氣庶不負讀書明理秀民之稱也有心世道  
者諒不以余言爲河漢歟

城郊舊爲瑞安義翔鄉五十九都邊鄙出西南十里  
卽界壽甯土稍沃宜五穀舊有市故名羅陽鎮設縣  
後五方雜處俗渾樸重讀書民多秀至

國朝乾隆間四民皆知禮法士不衣冠不入市不會戚

友讀書尤重經學卽有一二交接官吏亦不敢顯然  
出入衙門迨嘉慶後世家子弟遂多奔競廉恥漸疎  
文士務帖括習詩詞鮮講經術道光以後勢利風行  
禮義僅存其文甚有官長入士人家餐早膳飲喜酒  
者士有入官署博奕者此雖由於官邪抑亦爲士者  
不知自愛也自是迄今五十餘年漸以人品不分惟  
利爲重頭銜旣雜挾勢爲能至有品不在四民之中  
居然廁士大夫之列豈細故哉然幸尙有一二讀書  
人守法安分俗所謂無用者隱存古道貞下起元其  
在斯乎

東鄉外爲二都界瑞平舊隸瑞安土疎重宜稻麥習  
樸野務農間有讀書禮儀不習內爲四都土疎浮宜  
稻敦朴尙儉重讀書秀者亦彬彬知禮

南鄉

此就閩邑  
開方言之

偏東爲六都界霞浦福鼎舊隸平陽  
土廣沃習質易畏法知讀書重禮義富者居室漸事  
華美

偏西爲七都外舊隸平陽內舊隸瑞安界福安壽甯  
土高下厚薄不一習慆巧務農功然多游民少讀書  
秀者亦能知禮

北鄉一都界景甯舊隸瑞安土淺沃宜五穀習質樸

尚氣多務農亦有爲商者士知讀書多簡直少禮文  
偏西界景壽二邑舊隸瑞安山幽泉深宜稻菽習野  
務農鮮讀書禮讓無聞

東北外三都界瑞安青田舊隸瑞轄土沃田少習野  
多務農近水者亦事舟楫鮮讀書尚氣誼內爲二都  
士衍沃宜五穀習質勁務農昔多讀書講禮法今多  
逐末無復詩禮之風

東南外爲八都界福鼎平陽舊隸平陽土饒宜禾麥  
習儉樸讀書知禮讓內爲五六七都舊爲瑞平相錯  
之地土廣沃宜秫稻麥菽習稍侈務農勤耕作讀書  
習禮儀然浮者多而質者少

以上就各鄉舉其大畧而獨不及西鄙者以邑城已  
在極西也大抵五分殊秉莫非山川之氣在吾邑一  
二三都民其君子莫不剛而直小人莫不頑而野其  
在他鄉君子則多柔而文小人則狡而詐此皆氣質  
之性惟詩書之澤足以化之所望賢有司崇尚禮教  
於上士大夫共敦儒術於下則正人心厚風俗又何  
難哉拭目俟之

### 士民

士比他邑最艱多恃家力培植貧而有志者少惟舊



家雖貧尙能勉力讀書四書五經外少讀傳少講史  
學既獲一矜卽事家務或貿易貧則爲蒙師習術數  
能有志自立蔚爲文望者亦多困於場屋然頗多自  
好謹愿守禮異於浮薄之風

農比他邑亦最苦蓋土多瘠稍沃則租加重非勤無  
獲田禾菽麥之外兼種山植嘉慶以前多種藍靛今  
則多種蕃薯貧民之糧半恃焉農隙則運魚鹽於他  
邑以助生計

工在昔時多來自外地近數十年來則諸藝均足且  
多往外郡者但工盛而農功愈艱耳

商在昔時惟靛炭最多常遠達蘇杭近數十年其業  
極少惟鐵油竹木茶紙然貨薄貧稀尠有遠出者

### 歲時

元日擇時開門潔服禮神謁祖祠家供祖先像禮畢  
然後拜尊長賀親鄰初四日祀宅神或家有壽人是  
歲直大慶者先於除夕家宴謂之暖壽四日內開筵  
燕親朋畢集賀壽至誕辰惟家人燕賀而已

上元舊時衢巷結竹懸綵燈今惟人家張燈廟宇尤  
盛好事者爲滾龍竹馬魚獸諸燈沿門漫賀旬日乃

止畫正檢新正  
七語見云文

立春前一日迎春於東郊官耕藉田祭芒神鞭土牛  
自前明以來郊外李姓塑牛鮑姓製絲鞭昇牛及芒  
神刻黃湖半嶺之農至今不替俗有鮑家鞭李家牛  
黃湖半嶺擡春牛之謠

清明插柳於門小兒戴柳圈先日以鼠麴葉

俗曰或綿麴

蓬蒿和米粉餠糖爲饅頭謂之燕窩並酒醴以祭先  
墓子姓享餼於墓下墓多者至旬日始畢

端午門懸蒲艾飲菖蒲雄黃酒並煎百草湯沐浴以  
五綵絲線繫小兒手足曰長命縷又日記節親朋以  
角黍香扇相饋遺

六月各鄉以農隙迎社神巡村演戲祭賽或有用上  
元及九十月者

七夕舊俗以麵製小餅如人物形謂之巧食婦女陳  
酒果以綵線穿鍼乞巧小兒剪去端午綵線擲屋檐  
上謂之換巧

中元舊俗用僧道設蘭盆會於祖祠多束紙錢焚薦  
守禮之族惟酒饌多束紙錢銀箔爲奠

中秋以月餅時果相饋或邀賓賞月

重陽蒸重陽糕有興者挈榼登高

冬至粉糯米爲湯團食之或於是日祭祖祠

臘俗常以二十三四兩夜祀竈謂之送神是日先掃  
塵淨宇數日內親戚交相餽遺謂之送年至正月初  
四日祀於家堂曰接神

除夕祀宅神祭祖先換桃符春聯爆竹燃燈謂之歲  
燈中宵少長歡飲謂之消夜坐候達旦謂之守歲

### 服飾

男女俱布衣不尙羅綺近日城俗子弟寢侈靡漸及  
於鄉然尙多樸素婦女惟初昏及節序喜慶則飾珠  
翠服紈繡平時少事脂粉近日城中亦競相炫耀由  
一二紈綺家倡之漸成做俗可慨也

### 器用

凡倉儲出入惟常平倉用斛餘盡用稱稱惟城中牙  
稱天平十六兩此外有一觔重二十兩二十四兩者  
有一稱分邊背背重十六兩邊重二十四兩者一二  
三都稱有重三十兩及三十餘兩者若東南近閩諸  
鄉又有不及十六兩者故物價必視稱爲低昂民間  
有升無斛升亦惟近城用之北鄉俱用小方斗較官  
升有二升者有升六七合者東南各鄉均用圓木斗  
每斗較官升四升米不及斗者用小竹筒量之謂之  
除十除爲一斗然大小不能劃一按小方斗上大下  
小中界爲二二又

分而為四左半平分謂之二除右半長短分之長者  
計三之二短者計三之一長者謂之升短者謂半升  
假如斗米四十八文左二除各合十二文右長升十  
六文短升八文亦頗通用近有一都山民闢屋基掘  
得土穴中多敗穀一小方斗雖朽形全旁鑄貞觀某  
年製五字則此斗為唐式今括屬亦用之北鄉界青  
景故俗相近惟樸陋為能守古制歟

### 屋宇

舊俗尙雕刻或用丹堊間架低小今尙堅質規模多  
高敞五間七間者多亦有九間十一間者四院外始  
用牆房多明亮

### 飲食

每日三餐蒸米飯士人家間用早粥一二三都麥熟

則兼麥為飯餘亦有兼蜀黍者自乾隆以後農家多

以諸米為糧

按海外東坡在儋耳記諸說云海南

諸想由國初徙瓊萬熟黎於內地始家植園蔬旨蓄鹹菜溪魚之外惟

腥鹹春冬數月乃有海鮮家畜雞豚惟近市常宰村  
落間非時少烹富足者多蓄醃鮮以備不時之需酒

必家釀惟近市用沽然至十月則家無不釀謂之大

冬酒故有極陳美酒

董正揚飲七十三年陳酒詩見味義根齋詩鈔

### 方言

附郭設縣時安插括人最多至今言語猶近麗水松  
遂之音郊以外仍近閩音一都界景甯音卽近景二

三都界青田瑞安音遂雜以青瑞東南各鄉皆閩音  
近各縣邊界則尤異南北語言有如秦越又自康雍  
以後多汀州人入山種靛遂至聚族而居今皆操汀  
音乾隆以後多平陽北港人入山耕種有發族者類  
皆國初由興泉內徙之民故又特操泉音地方二  
百里間言麗語雜未有如吾邑者故詳及之

氣候

邑離海二百餘里氣候與瑞平大畧相同惟山鄉高  
低不齊有夏極熱冬極溫者有夏極涼冬極寒者二  
三十里之內氣候卽有懸殊然雖深山從無嵐瘴惟  
自夏徂秋或東北雲起卽患颶風微者一晝夜甚者  
三數日必視回雲乃止俗謂之風癡拔木壞稼高處  
尤甚每有田稻方實至顆粒無存因成災者

冠婚

冠禮久廢間有遇婚時仿行之者亦不能如古禮婚  
舊必擇門第近俗有合庚甲者且多慕勢利媒說合  
旣諾擇吉備束啟先致釵釧果品女家備筵延賓擇  
父母俱存子弟題庚帖並啟書答之謂之插定至待  
年仍備啓致銀錢聘儀一半日大定請期後如前致  
聘儀一半日送日及期數日前母家爲女加笄謂之

上頭先一夜女家設席餞女謂之起嫁酒嫁日婦入門擇老婦少女引新婦入房改粧竟引至中堂同拜天地宅神然後交拜歸房其夕飲合巹杯次日復引至中堂拜見舅姑及尊長輩尊長各致綵儀婦以女紅獻之三朝廟見備筵以燕新婦女筵以次陪席七日入廚房操作平日婦女不見客雖至戚非長輩不見面惟山野農家則不避

### 喪祭

初喪遍訃親戚小殮衣衾惟謹大殮先設醴饌以奠親族畢集炷香以拜曰送殮既殮後設祭親戚具奠之舊多延僧道爲道場誦經三日或七日近鮮行之者

葬惟士人富室用棺壙貧家多沿閩俗用骸瓶瓶比酒甕畧高歿後隔數年檢骨納瓶中以葬士人富室尤多惑於風水至有停柩久不葬比及中落子孫既貧仍以骸瓶葬者雖屢蒙官禁不能止也

祭四時節序於家堂祭祖先父母生辰亦多祭者宗祠歲一祭俗多於中元設蘭盆會遵禮之族祭以冬至或以立春日清明祭墓墓多有祭田子孫輪值備

祭有歷數百年不替者有遠祖基子孫重修復設祭田者

物產

穀之屬

稻邑山鄉高低不齊惟一二月收晚稻霜降後收其餘各都祇一熟類有秋種晚三種有赤白之分其名甚多最美者種則曰花秋齊黃又謂之花壳米皆白而軟糯則曰早糯大糯赤芒糯草鞋糯晚稻則曰早晚香晚大冬晚各地稱名不同不可悉數

稷

黍

粟

山稜稻

又曰早稜宜種旱地

麥大小二種

蕎麥

有甜苦二種

豆之屬

赤豆

黃豆

白豆

黑豆

淮豆

麥豆

刀豆

綠豆

御豆

大盈指色

紅白班俗謂雞豆又以形似荷包呼為荷包豆

阜莢豆

蠶豆

豌豆俗謂粒

佛豆

一名四季豆

帶豆

青紫二種

扁豆有數種白者入藥

芝麻

黑白二種

雲豆

果之屬

桃

李

梅

梨

一種類不

如瓜者

石榴

林檎

杏

柰

甘蔗

水菱

蓮子

藕

柿

栗

榛

棗

橙

柑

橘大小二種

白果

楊梅

枇杷

橄欖

荸薺

椎子

朱欒

木瓜

香圓

金柑

禽梨

毛桃

梧子

榧子

山荔枝 郁李俗名米李 枳俗名狗橘 金橘

蔬之屬 芥 菘謂之白菜 芹水旱二種 薺

葵 蒿 莧 菠薐 薑

蕪菜 蒜 薤 韭 蔥

蘿蔔 薯 蕓 茄 薯蕷

胡妥 筍 萵苣 苦苣 油菜

蕨 薇味苦 蓴 茨菰 茭白

瓜之屬 冬瓜 苦瓜 絲瓜俗名天蘿 瓠瓜

甜瓜 黃瓜俗名刺瓜 金瓜 土苓 薺尼

藥之屬 白朮 茯苓 土苓 薺尼

芍藥 半夏 鴛粟殼 小茴香 枸杞子

劉寄奴 鹿銜草 卷柏 豨薟草 石斛

土連翹 黑丑俗名牽牛花 良薑 木賊

獨活俗名小當歸 土沙參 前胡似獨活而小

菖蒲 穀精 枳殼 牛旁子 淡竹葉

勾藤 薄荷 紫蘇葉有兩面皆紅者最佳 葛根

澤蘭 茱萸 黃精俗呼干年暈 松香

芸香 香薷 紅花 黃柏 山藥

百合 黃連生小 常山 狗脊 骨碎補

藜木即土芎 大小薊即牛巴刺根 瓜蒌 白芷

分疆錄 卷之二 物產 函



花粉

巴戟

即老鼠刺根

花椒

通草

木通

烏藥

桃仁

杏仁

烏梅

貫衆

茅花

茅根

葛花

辛夷

車前子

仙人掌

七檉柳

香附子

五加皮

金星草

蒲公英

苧麻子

五倍子

青蒿

天門冬

威靈仙

土牛膝

土麥冬

苗根特小

何首烏

白佛桑

土三七

益母草

旱蓮

蒼耳子

鳳尾草

紫金牛

側柏葉

夏枯草

柏子仁

馬兜鈴

根名青木香

桑白皮

地骨皮

穿山甲

桑寄生

山梔子

山查

甘菊花

苦棟

百部

艾

土細辛

俗名馬蹄香

檉皮

豬苓

忍冬藤

鬼箭羽

覆盆子

茵陳

馬齒莧

麥門冬

苦參

薏苡

厚樸

女貞子

荆芥

金櫻子

槐花

天南星

土大黃

地丁紫黃二

麥蘖

火麻子

醴陽

俗名墨草

元參

蜂房

白龍爪

地錦

蛇退

蟬退

斑貓

金銀花

毛麝

產一都各

地及龜伏他處無有為瘟疫聖藥

活石

自然

白石英

花之屬

牡丹

芍藥

萱

玉簪

茶蘼

海棠

鳳仙

長春

一名月月紅即北方月季

蠶絲

海狗

物產

玉

薔薇 雞冠紅白二種 向日葵 胭脂 菊

番菊 瑞香 牽牛花 紫荆 木槿

山茶 杜鵑即謝 木樨 蘭 繡毬

梨花 蕙 丹桂 桃花 梅紅白二色

荷花 木筆 夾竹桃 芙蓉紅白二種 鐵線蓮

榴花 刺牡丹 鴨舌 鴛粟 佛桑

滴滴金 湯湯紅 百結 秋葵 山樊

金盞 水仙 黃梳大小二種 風蘭

草之屬 龍鬚草生水畔石崖險峻處得之最艱可為席 不知春

馬藍 蒿 芭蕉 蒲 美人蕉

吉祥草 虎耳草 浮萍 蓼 苦菜

馬鞭草 蘋 茜 虎舌草葉多芒如虎舌

藻 蘆 茗 鼠麴草 絡

莠 菅 蓮子草 帚 荻

茅 地落蘇 燈草 莎即香附子 稗

雁來紅 仙草 白蘇 葶荔 魚腥草即蕞

風癡草葉似蘆歲有颶風其葉必有斷節土人恒以其斷節驗風癡之次故名

竹之屬 斑竹 紫竹 方竹 翦竹

烏筍竹 雷竹 石竹 貓竹 苦竹

江南竹 觀音竹 塞竹 菡竹 斤竹

筍竹  
俗名鈞  
壽星竹  
每節有壽星頭  
虛棧竹  
水竹

木之屬  
松  
柏  
梧桐  
槐

桂  
檜  
椿  
桑  
柘

杉  
榲  
楊  
柳  
樟

楓  
榲  
榆  
樾  
楮

桐  
冬青  
檉  
棠  
荆

柯  
桐  
梓  
檫  
赤楸

山棗  
櫻欄  
榛  
柏  
櫟

樸  
柞  
槌  
椒  
旱莢

柗  
文杏  
黃楊  
雞絲木  
豆楨

貨之屬  
茶  
竹紙  
產一都康熙二十一年江人羅元森遊秦至裏莊見

其地多竹因創為紙後遂及於隣邑其利甚溥  
穀紙  
俗名棉紙多產於牙陽

花生  
錠  
蜜  
黃蠟  
白蠟

櫻  
蕨粉  
松煤  
桐油

茶油  
麻油  
菜油  
苧  
葛

絲  
蓆  
瓷器  
出洪口窑布  
絹

鐵  
松香  
陶器  
出大陽及包陽

畜之屬  
馬  
牛  
狗  
羊

豬

貓

鵝

鴨

雞

禽之屬

鳥

鵲

鶴

鷹

雁

斑鳩

布穀

黃鸝

雉

鴉

竹雞

鴿

鴿

翠

錦雞

鴛鴦

燕二種

山燕

俗名十紅

雀

白鵬

郭公

畫眉

黃色白眉者多白色為最黑次

黃頭

白頭翁

坑鳥

桑扈

子規

鶻

鷓鴣

鷺

紅鶴

啄木

水胡盧

鳥啄

麻雀

伯勞

竹青

錦雀

金銀二種

百舌

俗名山和尚

鴛鴦

俗名火鴨

獸之屬

虎

豹

熊

豺

狼

狽

鹿

麂

麋

麀

野豬

山羊

山犬

山牛

兔

狸

獺

猿

猴

竹豚

野貓

香狸

豪猪

麝猪

即獾

鼠狼

松鼠

栗鼠

水鼠

鱗介之屬

鯉

草魚

鯽魚

銀魚

鱧魚

即七星魚

鱖魚

鰻

讓魚

鰕魚

鯉魚

鰻

蘆鰻

有大一二十斤者

鰕

溪白

鱈

軍魚

員限魚

鱒魚

分置錄

卷之二十一

物產

天

刺瓜魚

即香魚微香如王瓜

匾魚

石搭

石斑

赤翼魚

珠尾

細鱗魚

蟹

龜有三種

四脚魚

門魚

鱒魚

鼈

蝦

螺螄

蚌

蟲之屬

蛇斲蛇俗名五步虎烏梢蛇可入藥王母撲蛇觸水柯表蛇等名

蜈蚣

山蟾

蜈蚣

斑貓

蜂

石蜂

蝦蟆

水蛙

水馬

蝙蝠

蠅虎

蚯蚓

蜘蛛

蟻

蟬

穿山甲

蝸牛

蚊

蜻蜓

蝶

蠅

螢

螳螂

蜩

蟋蟀

蠶

蝻

地狗

飛蛾

唧蟻

蟾蜍

風蛤

溫州

分疆錄卷之二

終

分疆錄

卷之二

物產

七

溫州府 函 公 館